

文獻叢編

二十六年第四輯


中華民國二十六年四月出版

文獻叢編二十六年第四輯

編輯 國立北平故宮博物院文獻館

發行 國立北平故宮博物院出版物發行所
電話 東局四四三六

印刷 北平宣內東斜街新新印書局
電話 西局五六八



郵費		價目表	
每月一分	本市	五角	每月一冊
每月一角	外埠	二元七角	半年六冊
每月二角五分	外國	五元二角	每年十二冊

文獻叢編第四輯目錄

總管內務府大臣寶璽奏報禁園被搶摺圖

康熙四十六年十月起居注稿本殘卷 內閣大庫檔

吏科進呈奏章文書 內閣大庫檔

蘇州織造李煦奏摺(續) 宮中檔案

謝賜書扇石硯摺

奏報欽賜天寧寺住持廣明扇硯已交領摺

奏報雨水米價摺

代僧廣明進呈奏摺並報雨水米價摺

奏清補曹寅織造虧空摺

奏報御稻收割日期摺

奏報御稻已收訖摺

請示銀兩應否解京摺

謝再命巡視淮鹽摺

進晴雨錄摺

奏准鹽餘銀聽候撥解摺

奏已命天寧寺延僧爲太后諷經摺

請安摺

奏報已接視鹽差摺

奏兩淮商人願再捐銀修築瓜州堤工摺

進呈晴雨錄摺

奏虔祝太后大安摺

謝授侍郎銜摺

奏請節哀並報兼程進京摺

教案史料(續)軍機處檔

福建建寧府教士林望生被毆案

英署理欽差傅磊斯知照教士林望生被毆情形照會

福建福清縣英教堂被毀案

英欽差威妥瑪知照福清縣屬巖兜地方教堂被毀各情節照會

福建龍巖州張貼毀教揭帖案

英欽差巴夏禮知照龍巖州教案各情節照會 附揭帖

英欽差巴夏禮知照龍巖州教案並未辦結照會 附鈔單

英欽差巴夏禮照復望閩省遵飭撕毀揭帖照會

英欽差巴夏禮請飭龍巖州牧親查揭帖是否銷燬照會 附鈔單

光緒庚子辛丑電報(續) 軍機處檔

昇平署崑弋承應戲(續) 內務府檔

清平見喜 和合呈祥

蘭殿呈祥

介紹

本館新購民初籌備國會事務局等機關檔案之分類

附錄

文獻館二十六年三月份工作報告

一、本館業務概況	一、本館業務概況
二、本館業務概況	二、本館業務概況
三、本館業務概況	三、本館業務概況
四、本館業務概況	四、本館業務概況
五、本館業務概況	五、本館業務概況
六、本館業務概況	六、本館業務概況
七、本館業務概況	七、本館業務概況
八、本館業務概況	八、本館業務概況
九、本館業務概況	九、本館業務概況
十、本館業務概況	十、本館業務概況
十一、本館業務概況	十一、本館業務概況
十二、本館業務概況	十二、本館業務概況
十三、本館業務概況	十三、本館業務概況
十四、本館業務概況	十四、本館業務概況
十五、本館業務概況	十五、本館業務概況
十六、本館業務概況	十六、本館業務概況
十七、本館業務概況	十七、本館業務概況
十八、本館業務概況	十八、本館業務概況
十九、本館業務概況	十九、本館業務概況
二十、本館業務概況	二十、本館業務概況

康熙四十六年十月起居注稿本殘卷內閣大庫檔

本館整理各房檔簿，於大庫殘檔中發見此卷，斷爛霉濕，年月名稱已佚。檢其內容，並校以清聖祖實錄，知爲康熙四十六年十月分起居注稿本。案內閣修書各館，於書成閉館時，例將檔案書稿等項，繳藏閣庫。起居注館曾於康熙五十七年，一度裁撤。記注稿本，或亦由內閣接收，則此卷之入大庫，蓋二百年矣。

起居注正本，大部歸本館保存，此類稿本，則屬僅見，惟正本已運貯京庫，不及校勘，先以此卷付刊，以供參考。

卷中文字，塗乙改竄甚多，茲付排印，一仍往例，竄改字用較小之字旁註；塗滅字亦爲錄出，加【】號以別之。

（上缺）是日遣宗室鎮國公散缺內大臣暖托□乾清門親隨一等待衛五格至「科爾」喀喇沁多羅都稜郡王扎什墓前致奠

初五日癸未上駐蹕公主府是日「額駙噶爾臧恭備筵宴進獻皇上及皇太子皇子併宴大臣侍衛俱送席上」賜大臣侍衛內府官員執事人員部院司

官筆帖式及西安江寧杭州兵丁御饌又賜大臣侍衛護軍西安江寧杭州兵丁湯羊又賜喀喇沁多羅都稜郡王額駙噶爾臧土默特固山貝子班第喀喇沁扎薩克塔布囊格勒爾協理旗務事塔布囊塔爾萬一品「台吉」塔布囊塞白等二品「台吉」塔布囊吳勒墨濟等喀喇沁三旗隨圍副都統以至兵丁及喀喇沁和碩端靜公主原授王爵扎什之妻福全郡王額駙噶爾臧之二女多羅□□□□之妻郡君喀喇沁扎薩克塔布囊□□□□塔爾萬等之妻二品塔布囊塞白等□□之妻福金四品台吉（下缺）

初六日甲申上駐蹕公主府是日上獵于行宮後山手「殺」獐一虎

初七日乙酉上駐蹕拜尙臺「是日」未時上出行宮門外閱額駙噶爾臧馬羣是日頒發戶部「薄暮額駙備宴恭餞皇上及皇太子皇子併宴大臣侍衛

俱有錢席」「上諭事康熙四十六年十月初七日奉上諭戶部」上傳諭曰從「前」來漕糧關繫倉儲最爲重要每歲刻期輸輓概不停征卽蠲除節年額賦亦不及漕項朕前以國家經費尙充曾有酌免漕糧之事係出特恩去年

頒發□旨已將江南省民欠地丁銀米□□康熙四十□□蠲豁而漕項所
□□□□一一察明悉與全□□□閩閩□□□但辦額運之止供事切利民
蠲逾常格爾部移文該撫令張示遍諭務使均霑實澤以稱朕深軫民依之意
如有不肖有司朦混重徵者□□定重治罪爾部卽遵諭行特諭

□□洮爾河時翁牛特巴林扎魯特阿祿科爾沁烏朱穆秦科爾沁喀爾喀暨
回時敖漢奈曼喀喇沁諸王貝勒貝子公台吉等俱恭「獻」設宴筵進獻□
□又進獻馬駝牛羊多者數千少者數百不等各率所屬蒙古叩首奏曰臣等
祖父以來受朝廷隆恩已數世矣公主下嫁「榮」之者有之「不次受爵」屢荷
寵榮「寵」之者有之無不「撫恤豢養」使盡「俾」各得其所逮及臣等不幸
遭噶爾丹之變復值凶年盜賊寢起牲畜倒斃飢寒已極以致父母兄弟妻子
不相保蒙我皇上軫念特遣大臣官員分往各旗收養散佚「逸而」頒賜銀米
布帛牲畜又爲蕃息馬匹每台吉各賜牝馬十匹爲永立生業教之播種比年
以來蕃滋之馬比舊更多盜賊「全」潛消衣食豐足而各皆富庶矣仰承我

皇上歷年參養教訓恩「隆」德靡加卽粉身碎骨斷不能仰報也惟有恭祝
聖壽萬萬年無疆而已今皇上爲巡視臣等爲蒙古生息「巡察至止」翠華
至止竊思道途遙遠將臣等恭進之物仰懇收納「皇上」上卽不用賜之大臣
侍衛臣等微忱亦安我蒙古舊俗聖主洪福倘納我等牲畜則嗣後愈加蕃息
諸之分感戴如一「□」各進奏皆同上於貢物皆不受諭曰朕不受爾等所進
旗物朕之馬駝牛羊俱蕃息數十萬用之不窮尙欲頒賜爾等皆朕之臣民爾
之所進者皆朕之所賜也朕教養爾等人皆富庶朕賞賚爾等物盡蕃滋今欲
進獻朕心嘉悅爾等誠敬朕已洞悉此與收納無異嗣後爾等益加力勤生計
圖維蕃息以副朕愛養至意朕益嘉悅矣

初八日丙戌上駐蹕駝峰

初九日丁亥上駐蹕茅溝河

初十日戊子上駐蹕行宮

十一日己丑上駐蹕中關

十二日庚寅上駐蹕熱河上營

十三日辛卯上駐蹕「烏」「青」喀喇城酉時上御行宮大學士馬齊學士舒圖以折本請「旨」吏部議覆御史趙嗣晉題參刑部尙書王揆等官四十七員不陪祭「官員事」口口社稷壇查疾病是實毋庸議上曰「請」病假不陪祭官員太多本發還另行察明「具」議奏又爲原任布政使「內陞」
「議處布政使」何顯祖「等事」四川巡撫能泰取供雖稱手足麻木步履艱難內陞之前不行請「辭」「退」休明係規避議革職以能泰狗庇「銷其」將伊所加二級「准」削去抵其所降「加」二級免其調用上白何顯祖之請休在內陞部文到後方「遞」具呈「請休」乎抑未聞邸報而「卽」具呈乎着察明內陞之日與具呈之內俟進京定奪恐致枉屈「戶部議覆江蘇「州」巡撫于準題報六合等州縣及浙江巡撫王然題報餘杭等州縣被災分數請照例捐免錢糧議准行上曰此本存貯欲蠲免來年錢糧俟進京詳議又「議覆」覆江蘇「州」巡撫于準題伊所屬應徵「題徵收」被災田「

糧事」地錢糧俟秋收之時徵收不成災之田地錢糧仍行勸徵議准行上

曰此本亦存貯其不成災田糧亦俟進京後亦詳議之」上御行宮大學士馬

齊學士舒圖以折本請旨九卿覆江蘇巡撫于準題報六合等州縣被災分數

及浙江巡撫王然題報餘杭海寧等州縣被災分數請照例捐免議准行上曰

此本存貯尙欲蠲免來年錢糧俟進京詳議又覆于準題伊所屬應徵被災田

地錢糧遵旨暫行緩徵俟秋收時徵收外其不成災田地錢糧仍行勸徵議准

行上曰此本亦存貯其不成災田糧亦俟進京後詳議

刑部爲李三元「悞打小功服兄致死」執棍打伊僱工李進才悞中伊小功

服兄李柄權頂心越四日身死依律法正擬上曰人命事關「係」重大着九卿

詹事科道會議具奏又爲「儲輔俟打殺大功服兄」當候與伊大功服兄儲子

方互爭門儲富候執鋤攔擋因中儲子方額越十七日身死依律擬立決上曰

人命事關重大着九卿詹事科道會議具奏「蘇州」江蘇巡撫于準爲婁縣知

縣陳又良因催徵舊欠錢糧逾限未完降級調用請留任上曰陳又良炤該撫

所請帶降級留任上曰聞內閣諸臣常將部院題奏「事件」本章駁回刪改

近爲內閣侍讀「補授」「奏」題補盛京員缺事屢次駁回果有不「是」

常「處」則有票擬之例在題奏「事件」本章擅自「擅」駁回刪改殊爲可駭

俟進京時察奏又謂馬齊曰觀此時學士皆不及昔年「學士」阿蘭泰佛倫

爲學士時俱能強記「而」又善于辦事伊桑阿下筆成文構詞頗順此時部

院諸臣有能強記者否馬齊奏曰侍郎「黑」赫壽頗能強記上曰「黑」赫壽既

能強記而「亦善」辦事亦佳此外更有人否馬齊奏曰學士揆叙亦能強記

□□臣中□□記者誰耶馬齊奏曰□達能強記又見馬爾漢引武弁入見人

名俱不錯亦能強記者也傳繼祖穆丹亦能強記上又曰昔年批本皆在乾清

門諸學士「手批之」手自批寫「或」折爾肯所書尤速或諸臣一二張未

完而折爾肯已書成五頁「其」草書更速其時皆稱折爾肯爲文壇飛將至學

士布達禮向聞其善辦事後試用之徒「有」口而已委之以事並無所能今日

有如折爾肯作字之速者乎馬齊奏曰臣等自幼卽聞折爾肯爲文壇飛將今

日實無有〔如是〕及之者〔但〕大學士席哈納爲筆帖式時臣常與之同事其
作字速而不悞〔至〕此番與內務府〔大臣〕總管頒賞見廣儲司員外郎馬桑
阿作字亦速辦事亦妥上又顧揆叙曰陳邦彥作字不速乎揆叙奏曰陳邦彥
速而且佳上又曰查昇作字亦速揆叙奏曰查昇亦速而佳上又曰勵都納作
字之速較伊等更〔速〕過之大學士熊賜履作字亦速

十四日壬辰上駐蹕行宮是日賜護軍西安江寧浙江兵丁乾肉條

十五日癸巳上駐蹕鞍子嶺

十六日甲午上駐蹕兩間房

十七日乙未上駐蹕〔窰〕腰亭子

十八日丙申上駐蹕密雲縣是日〔張家口副將〕□□賜原任三屯營副將今陞

雲南永順總兵官段騰龍殺虎口副將杜〔承〕呈泗孔雀翎

十九日丁酉上駐蹕三家店

二十日戊戌午時上由東直門進神武門詣寧壽宮問安回宮是行也各部院

奏章每日送內閣由內閣三日一次驛送行宮聽理上遣使請皇太后安四十
二次扈從起居注官揆叙陳壯履勵廷儀蔣廷錫海寶張廷玉

二十一日己亥辰時上御乾清門聽政〔各〕部院〔大臣〕各衙門官員面

奏〔政事〕畢大學士席哈納張玉書陳廷敬李光地禮部侍郎兼於學士裏

行〔黑〕赫壽學士蔡升元二格舒圖王之樞〔舒圖〕楊瑄宋大業以折本

請旨戶部爲雲貴總督貝和諾等題稱雲南金銀銅錫等鑛廠自康熙四十四

年冬季起至四十五年秋季止一年收稅〔利〕額銀八萬一百五十二兩零

金八十四兩零〔等語查鑛廠甚多而征額甚少不可以爲定額應行文該督

撫查明據實增加具題到〔之〕日再議等因行文去後今據該督撫題稱委

官遍查取有地方官印結實無多徵少報情弊〔印結〕並無遺漏〔等語〕

議得仍行文該督撫〔議駁回令據實嚴查增加具奏〕〔如仍不據實嚴查

增加卽將該管官員指名題參〕上曰據奏雲南鑛稅一年征銀八萬兩零用

撥兵餉數亦不少〔又復〕若又令增加不致累民乎此所得錢糧卽已足用

矣本發還〔結議〕卽行議結又爲廣東海關監督德政題稱〔七八月間正
直順風時〕外番海船一隻不到缺額稅銀□不能完請展限九個月〔以補
額稅銀兩〕議不准行上曰准展限兩〔個〕月又爲〔前〕一浙江〔白糧
〕運丁陸慶餘等〔前者叩闕請照舊給與原額經費銀米事議不准行並行
文總漕桑格詳查〕上曰着以此項問倉場侍郎兵部爲陝西西寧總兵官馬
〔繼〕際伯以其舊屬建昌中營千總袁繼蔭會川營千總馬建德建昌中營
把總張漢雄等〔皆係西方之人故灼知其來歷〕請遣往〔以〕伊〔等赴
〕新任照其品級〔照原銜〕補〔授〕用至建昌衛守備金安民〔弓馬嫻熟
人材矯健〕亦請照應陞〔員〕缺出補用俱〔議〕無庸議上曰袁繼蔭等
俱炤該總兵官所請行刑部等衙門爲暫安奉殿署〔饜長〕飯房首領保住
〔首〕告稱一等侍衛兼太常寺正卿郎中桑格〔口借〕索取副將趙世泰
等馬匹乘坐審得朋友有借馬乘坐之誼應無庸〔置〕議郎中桑格兼理茶
房首領穆哈連飯房首領兼內府首領潘什〔保〕寶告稱保住〔二十年來

「每年請安孝懿皇后宴駕哭臨諸處俱不親赴審」得「明俱實保住坐大不敬依律擬立斬桑格穆哈連潘什寶」理「應將所轄保住舉參乃在保住首告伊等之後始行報部不合應」口「此合擬將桑格穆哈連潘什寶」俱革職留任效力上曰保住着改擬斬監俟秋後處決桑格穆哈連潘什寶俱降三級罰俸一年留任效力又一爲「偏沅巡撫趙申喬題爲謝宗」孔與「仕聞伊父謝」明「陽」爭田「被伊大功兄謝宗孔以小刀刺傷」謝明陽手背其子謝宗世聞之持棍「往救打」中「死謝宗孔」腦門致命處而死「應將謝宗」世「仕依」打殺胞兄「律擬立斬但」謝宗世爲「救父心切致干」犯「罪」懲「犯應否減等發落伏候上裁查謝宗」世「仕應擬斬立決」其「該撫所請無庸議上曰人命事關重大着九卿詹事科道會議具奏廣西提督張旺請」奏稱督撫提鎮存亡父母俱得邀沐寵榮乞「賜」臣「伊父張文能扁字上曰着該部議奏席哈納等又以遵旨存貯九卿」戶部「議覆江寧蘇巡撫于準題請蠲免六合等州縣被災分數」請免「錢糧

議准行事「錢糧事」又于準奏報「題捐」靖江「等縣」興化二縣被災分數「照例蠲免錢糧」「事題報揚州儀真被災分數」及奏報揚州儀真二衛被災分數請免錢糧二事又「議」覆浙江巡撫王然「題報爲被災不成災地方」奏報餘杭海寧等州縣不成災地方請削前報檔案外其成災地方請免「收」錢糧事「等四件呈」「請」議准行上曰江浙地方今年旱荒有被災□□朕中殊覺惻然屢頒諭旨截留漕糧以賑飢「矣」蠲免歷年拖欠以濟困想被災人民「得安樂矣」已各得其所矣但江浙乃財賦「之」要區爾等可會同戶部將江浙所屬成災州縣几何所免田糧几何丁糧几何仍應徵收田糧几何丁糧几何及不成災州縣几何應徵田糧几何丁糧几何「共」通計錢糧几何竽具奏又曰邊外地廣人稀自古以來從未「有」開墾「者」今「一」開墾之後俱大有收朕于此數年避暑塞外見禾苗皆高七尺穞亦長一尺五寸今年南巡「以是」曾以此語張鵬翮張鵬翮「猶未之」未敢深信近「以」值邊外收獲之時「已有旨」特命刈數本驛送總漕桑

洛轉示張鵬翮矣且內地之田雖在豐年每畝所收不過「收」一二石若邊外之田所獲更倍之可見地方不同而人力皆不可不盡也張玉書等奏曰此皆皇上洪恩教育「之」所致「也」「以」向來「未」從未耕墾「未耕」之地俱成沃壤邊外蒙古無不「均」沐浴膏澤「均和寧之福」真亘古以來所未有也是日上詣寧壽宮問安是日起居注官揆叙史夔

二十二日庚子辰時上御乾清門聽政「各」部院「大臣」各衙門官員面奏「政事」畢大學士席哈納張玉書陳廷敬李光地禮部侍郎兼於學士裏行赫「黑」壽學士蔡升元二格舒圖王之樞楊瑄宋大業以折本請旨吏部爲兵部尚書金世榮員缺開列都察院左都御史蕭永藻等職名具奏上曰着以蕭永藻補授兵部尚書又爲都察院副都御史阮爾詢員缺開列宗人府府丞宋駿業等職名具奏上曰着查學士等名具奏「又」以吏部「又」議處原任四川布政使何顯祖等「事又」原案及遵旨查何顯祖等四月初十日內陸二十一
日「日期及」遞呈請休「日期」具摺「子奏請」奏聞上曰查何顯祖

內陞「奉」命下之日與彼具呈請休之日其間相去不遠不及聞知何顯祖能泰俱免其議處「又以戶部覆議」又連丁陸慶餘等叩闈一案戶部議總漕桑格不將前後互異俱題不合之處認錯反行推諉行查倉場應交于部議奉旨着向倉場侍郎等今據倉場總督富寧安石文柱等稱白糧交納三年以來並未有悞具摺啟奏上曰部議陸慶餘等叩闈事及問倉場侍郎摺子俱發與總漕桑格彼更有何說俟桑格覆奏之日再行議奏「禮」部「爲」擅「打」行撤回擡棹「祭几」人「員」私「行派」委差役將李貞坤等「議處」事又遵旨問簡親王口詞「併奏聞上曰「諸」住守陵陵寢「駐劄祭几人員」擡棹人歷年既久「孳生」支庶甚「多」繁不當使伊等脫役閒居着將擡棹「祭几」正身扣數留用其餘俱各交該主「着」派委差役「着」併行文盛京將軍副都統等察明「具」議「奏」席哈等遵「又刑部爲佐領兼三等侍衛雅圖打死人命議處事」旨「察議」查從前護軍校桑圖佐領兼三等侍衛雅圖雅圖之母互「許告緣由寫摺呈覽」併議雅圖前

罪」及「併以」雅圖打死伊嫂家人「三哥」桑格議處原案一併請旨上
曰雅圖甚狂妄許訟亦極多着將現在雅圖議處之案及前此雅圖互許之案
俱交刑部查明被打身死之桑格與此案有無干涉再加等議處具奏又謂席
哈納等曰紅本關係甚大「爲」日後可以憑據查驗「之據視」觀此本「外
一面頁已破壞不堪嗣後謄清藏貯俱當小心敬慎「又理藩院議覆」席哈
納等奏聖諭極是又奏曰臣等遵旨將阿玉什叩閣誣告伊主喀爾喀原封達
爾漢親王諾內一案「事又遵旨」問侍郎穆和倫「口詞一併覆請」據云阿
玉什極其乖劣是實「奏聞」上曰阿玉什着從寬免死發往黑龍江酌量安
置「餘如所議」是日起居住官阿爾法凌紹雯

二十三日辛丑辰時上御乾清門聽政「各」部院「大臣」各衙門官員面
奏「政事畢」時吏部尙書溫達等人奏上謂溫達等曰今「觀」看得部院
衙門司官甚是不及「庸劣已極」甚是不及其京察甄別既經停止若不「將
司官」考察其趨愈下漸至廢弛其司官雖「善」辦事好倘「若」行止乖亂

不端此等人員豈可「姑」容留其不能「舉筆白事」做稿說堂者亦應「斥」革退爾等俱係大臣這考察「之」時不「得」可互相狗庇或于此部院陞于彼「別」部院未久者或「自別」于彼部院「轉本」□此部院未久者爾等「各不相」彼此不能悉知「則與」着九卿會同考察「偕來」同來叅奏是日起居注官滿保錢名「時」世

二十四日壬寅辰時上御乾清門聽政「各」部院各衙門官員面奏「政事」畢大學士席哈納張玉書陳廷敬李光地禮部侍郎兼於學士裏行「黑」赫壽學士蔡升元二格舒圖王之樞楊瑄宋大業以折本請旨浙江巡撫王然題稱杭州嘉興等處今歲少雨無收請截留漕糧五萬石以備駐防兵糧又奉命賑濟「故」查常平倉積穀「已少」無多請炤山東例于常平倉開例捐納「之例」上曰浙省被災州縣亦照江南着總漕桑格親身會同該撫于被災各州縣截留漕糧賑濟飢民爾等可與戶部會議「來」具奏何必捐納其奏摺「收貯存」交爾衙門「可也」存貯是日起居注官塞爾圖汪士鏞

二十五日癸卯早上御太和殿〔陞座其〕陞轉大小臣工謝恩畢回宮〔頃之各部院大臣奉旨甄別各司官至〕九卿〔詣〕諸〔大〕臣至乾清門〔傳奏〕遵〔叅劾某人共〕旨〔甄別〕查參各部院衙門司官〔將所參劾〕萬塔布等十二員開摺轉奏奉旨〔諭曰〕伊等俱着革〔斥〕退其各部院大小衙門筆帖式內有〔手長〕鑽營攬事〔鑽營〕行止乖亂狂妄庸劣不能舉筆〔庸劣〕者亦〔併〕着革〔斥〕退〔以其人數〕其革退名數着奏聞是日上詣寧壽宮問安已時上由神武門出西直門至暢春園駐蹕是日起居注官揆叙史夔

二十六日甲辰

二十七日乙巳是日〔各部院大臣遵〕九卿諸臣至暢春園遵旨〔甄別〕查參各部院衙門筆帖式查哈達等十七員開摺轉奏奉旨〔等赴暢春園劾奏等十七人傳奏〕〔諭曰〕伊等俱着革〔斥〕退〔所革者〕人數尙少着再查革退是日起居注官揆叙史夔

停征俟開征「糧」一併征收如是則閭閻之生計必將漸底豐盈矣爾等可
撰上傅呈覽是日起居住官陳壯履海寶

...

...

...

...

...

...

...

...

...

...

...

...

...

...

吏科進呈奏章文冊 內閣大庫檔

冊藏內閣大庫，爲黃冊之一種，案科道陳奏，或邀褒獎，或經訓飭，奉旨後皆鈔錄存貯。遇陞轉時期，除例應開造各員履歷具題引見外，并將所陳奏章分科繕造黃冊，

進呈御覽，其章制具載於清會典。茲檢鈔康熙朝李宗禮等奏章全文，采著本編。

吏科給事中加三級臣馬齊蘭等謹奏爲遵旨通列科員仰候睿鑒事查科員陞轉每年於八月內舉行一次奉旨欽遵在案今康熙十六年八月內該內陞一員外轉一員例應具題引見合將六科給事中詳開履歷至諸臣奏章分別科分詳造滿漢清冊恭呈御覽除工科掌印給事中丁泰出差典試工科給事中郭堯都病故不開造外爲此造冊謹具奏聞

一

吏科給事中加四級臣李宗孔謹題爲密本宜嚴行分晰用昭令典以肅法紀以裕國用事竊惟密本啟事事關軍務或指參封疆大臣恐機事不密則害成外此而發政施仁使天下共見共聞有何諱焉近者以私情恐通政司查駁借

密本名色希圖上聞職官如刑部郎中梁忠等奸民如梁秉忠等雖經嚴處有乖制度臣請嗣後密本除職官外自有應得之罪如係士民通政司堂上官許令拆看應駁者駁以崇政體又邇來從軍需起見在內在外諸臣以及部題如驛遞納監間架開科等事亦多以密請然既奉俞旨不能不行督撫督撫不能不行之道府州縣曉示通衢以及鄉愚無不周知其所謂密者不過少發一科抄而已何密之有乎且以其密也會議倉卒止及可否准從而條例遺漏頗多如開科取士中外仰望今以本年五月二十一日以後納銀者許其人闈而上糧者不在此例同一納也卽分兩途上納者不能盡知也生員有納歲貢字樣而廩生納八十兩增廣一百兩附學一百二十兩卽照舊例未經通行布政衙門而新定十五名中式一名在外諸生亦不能盡知也徵收錢糧設立易知由單猶恐作奸今加納一項巡撫尙然一咨再咨以聽部示則布政司不能洞曉而府州縣奉行不無舛錯可知也資郎粟監歷代有之非以爲諱現今降革官員戶部上納而吏部有駁回者兩部尙然牴牾而輸納者頭緒不清可知也且

有具呈戶部而戶部駁回者在京官員尙在二三其說而在外之以訛傳訛觀望遲回可知也夫焯焯功令曷若明白曉諭使人共見共聞之爲愉快乎總緣計部以不敷總數未便令人周知臣竊以不敷總數另爲密陳所開事例今當各爲一本使人共曉諸如此等新例凡未一目了然遺漏不盡者臣請勅部詳晰將未盡事宜何者應增何者應除應會同各部者會同各部議逐一題明不必密封俾輸納者洞曉不致狐疑爭先恐後未嘗非裕國之一策也至在外督撫近者題補道府州縣等官所言公公言之多以密封避人指摘殊爲弊端仰乞勅部統議嚴行禁止庶令典昭然而紀綱肅矣爲此具本謹題請旨康熙十五年十月十三日題本月十八日奉旨該部確議具奏

題爲敬陳利便商民以濟公用事竊照軍需浩繁司農仰屋凡屬臣工自以籌餉爲第一義然於經制無可裁之內而必思所以裁之必非正理於徵輸無可生之中而必求所以生之終非確論求其上不廢公而下不病民兩全而無弊原未易得也臣竊於維揚商民兩便之處可補財用之萬一得二事焉一兩淮

各場產鹽必需鐵鑊以供煎燒向來鑄鐵其鐵產於澧州頃湖南用兵需鐵維艱鐵乃年鑄年銷之物頃聞竈戶束手鹽價日增商竈兩困臣查各場舊有鐵盤委之溝壑查鹽法刊書亦不知此盤造自何年亦不知其官物商竈物也今產鐵之地既阻而煮鹽之地乏用仰祈勅巡鹽御史確查所存廢盤改鑄鐵鑊估計招商變價上可以充兵餉之萬一下可以解商竈之燃眉矣倘以廢鐵年久不堪鑄鐵或令改鑄鐵鍋供民間炊煮亦商民均利之事也一揚州城分新舊其實一城中隔一牆分而爲二舊城則巡鹽府縣衙門在焉新城則鈔關運司遊擊等衙門在焉居民限於一牆往來紆曲貿易苦累而門禁啟閉殊覺多事臣竊以此牆實爲無用取其磚石以供河工變其地值以助軍餉無不可者仰祈勅總河督撫確查此牆果係無益許令附近居民納價其磚石以備河工採取上可以資公家之用下可以開小民之便也此二事者爲數無多而商民攸賴在財用雖爲末議而利濟亦良圖也如果臣言不謬伏乞睿鑒施行爲此具本謹題請旨康熙十五年十月十三日題本月十八日奉旨該部知道

吏科給事中臣張鵬謹題爲秦地之軍儲最重諸臣之積玩可駭謹據疏指叅請勅部定限清查以免侵蝕事臣惟積貯者天下之大命也欲資師武臣力必須士馬飽騰當此兵興孔亟之時師行糧食一顆一粒關係軍需凡有地方之責者自當不時覈查以待支應况秦省要地數十萬禁旅駐鎮廟堂之上惟恐軍儲不足方且早夜持籌廣勸捐輸以資糴糗豈有實在貯倉之糧料多至數十萬石竟可聽其左支右吾久不清交者臣辦事垣中見甘肅撫臣華善有交代例難久懸倉糧事宜急楚一疏反覆閱之不勝駭異據寧夏監收同知葉正綦稱寧夏鎮兩河各倉實在貯厥糧料共三十八萬有奇到任之初卽詳報各衛倉欠糧十六七萬以及二十萬不等是必確有所據而始報也迨後接署道事又詳報各衛倉溢瀾等糧料六千五百三十餘石已照數補賠並無短少是又必非無確據而妄報也彼時該督撫旣見前後所報互異卽當根究報多報少之故是何憑據有無缺少卽令逐倉清盤亦當嚴定期限何致遲延二載始

行題叅此從前之事已經部駁臣不敢贅言矣獨是既奉部咨之後秦省久已底定別無借端經管之官自當念軍糈爲重不遺餘力晝夜盤查清數具報督撫乃檄催差催付若罔聞總因前報缺數甚多後報缺數甚少若一刻期查訖未免水落石出難以補苴彌縫故意遷延時日欲爲此不了之局始則借口於兵馬之往來繼又借口於倉廩之寫遠月復一月年復一年待至時移物換或且又多支飾此寧罹違限之叅罰而必不肯清交也其中之更可異者稱每日盤量不過七八百石每月止盤二萬有奇臣思寧夏倉糧三十八萬有奇若一月二萬計之足必至一年半後而始見有無缺少也現今京通兩倉天儲數百萬石未見盤量如許之難矧止三十餘萬不過月餘可竣之事而必欲累歲經年此中不無情弊且如此抵飾之辭撫臣據信爲然援引入告徒以一違限具叅塞責其已經盤驗數目概置不問萬一大兵進剿刻需飛輓又將何以應之耶臣以爲今日軍國重寄無過糧儲請勅部嚴定欽限責成該督撫勒令依期盤查明白核造清冊以備支給庶從前二次所報熟虛熟實眞僞昭然而秦省

師旅得資實用不致侵蝕矣臣忝居言職不敢緘默特此據疏糾叅仰祈睿鑒
勅部察議施行爲此具本謹題請旨康熙十六年四月十二日題本月二十日
奉旨該部察議具奏

題爲請端教化之源崇孝治以正人心事切惟求忠臣必於孝子之門誠以君
親初無二理資於事父以事君其敬同也我皇上以孝治天下現命詞臣纂修
孝經衍義用以風示宇內輿感人心其三年守制屢奉諭旨著爲定例凡大小
各官無分漢軍漢人具報丁憂悉令離任欽遵已久祇因年來用兵之處如措
辦軍需支給糧草刻難乏員恐部選稽遲問題留任守制初不過偶一行之近
見在外督撫不論地方有無用兵動請留任或曰幹員或曰賢宰至究其所以
請留者非云地隣敵境卽云地處荒殘非云本官稔悉民情著有勤勞卽云本
官供億無悞地方有賴臣思爲人臣者東西南北惟君所使安能盡舍衝而就
僻圖逸樂而避凋殘且旣膺民社則料理糧餉綏戢兵民亦皆職分宜然如實
有善政足紀自有三年計更二年薦舉之典在今乃借守制以代薦揚是何幹

員賢宰之多也夫昊天罔極誰非人子具有同心勿論中懷曖昧耽爵慕祿或戀地方之便利或慮錢糧之交盤冀倖留任以固功名種種隱情清夜難以自問縱使一無所爲題請得實身宜苦塊而嚴坐堂皇反之於心安乎不安乎雖如前嘉湖道趙之彪候補副使張沅貴溪縣知縣畢士俊等具經部駁奉旨不准在案是明見其不應留矣甚且一請再請之不已推其心似必令其奪情蔑制而後快者豈獨無三年之愛於其父母乎近如奉天府府丞榮國祚其人儼然京堂其地又非用兵亦借士子公呈題留雖經奉旨不准若不早請停止如此尤而効之紛紛瀆奏曷其有極我皇上敦崇吏治督撫薦舉必註興行教化而孝爲百行之原教化之事孰有大於此者此處大本已虧又安望其興行教化耶況今四方漸次底定銓部現經題明除福建湖南外停其別省坐名題補何獨守制一項仍行任意題留請者或且假之以市恩受者或且因之以報德也臣以爲國家慎選良吏何地無才豈丁憂者偏係賢能舍此別無其選請自今以後除封疆大臣及滿洲員缺應否丁憂留任恭候皇上睿裁外其餘一概

俱應停止雖係用兵地方該督撫亦不得借口題請使明於父子之恩自篤於君臣之義重綱常卽以清吏治也如果臣言不謬仰祈睿鑒施行爲此具本謹題請旨康熙十六年四月十二日題本月二十日奉旨該部知道

題爲地有可生之才有樂從之制敬陳末議仰助國用事切惟今日第一要著煩聖君賢相之圖維者莫過於軍餉一事比年以來生節捐助之計靡不至詳且悉固已無餘策矣而臣準時酌勢似尙有可商者嘗考周禮太宰九賦其七曰關市之賦故後世於商賈輻輳有無貿遷之地參酌關隘處所立稅司以權之雖云抑逐末原以足國用也臣思秦省地當天下之半而潼關一處尤爲秦省咽喉接連河南蒲州又屬西安孔道土地廣衍人民繁庶肩摩轂擊百貨往來如織查自關而出者則有馬騾皮張羊羶氈紅花藥材等之西貨自關而入者則有紬緞布疋烟斤茶葉等之南貨北貨一歲運載難以數計若照各關之制歲差部員董之納可益稅數萬兩似亦天地自然之利而非與加徵益賦者比也近閱邸報如張家口殺虎口等處先議減原額稅數千兩今復議加

原額稅數千兩總不過隨時增益以濟軍需而潼關要區諸貨往來出入數倍張家口殺虎口等處則設員收稅似當勅部確議者也再查關差定例溢額者優叙近如揚州鈔關佛倫溢額一萬兩天津鈔關相成棟溢額五千兩自不乏人臣愚謂嗣後宜分別銀數多寡以示鼓勵如果潔已奉公溢額一萬兩者作何優叙更至二三萬餘兩者作何京卿優用至各鹽差亦當準而行之除正課外如兩淮溢額若干兩浙溢額若干長蘆河東溢額若干亦照原課多寡分別差等數目准其格外優陞如此則人以功名爲重無不踴躍從事而樂輸恐後矣抑臣更有請者凡奉差戶工漢員惟坐糧河工出缺其餘皆不出缺臣思同一欽差部員也何所見而一事兩例如謂各項一年之差不同坐糧河工三年之差不思身往督關卽與部務無涉且其差雖係一年再加回部考核不啻一年半之久遙遙虛缺以待料理部務乏員是以一人而占兩缺也應否亦照坐糧河工俱令點差者出缺俟回部考核挨補一歲更番差遣其於銓選之法亦可略爲疏通也臣從軍餉起見伏乞勅部確議施行爲此具本謹題請旨康熙

十六年六月二十二日題本月二十七日奉旨該部議奏

題爲墾弁宜戴皇恩私逃實爲藐法請嚴加禁緝以重屯務以靖奸宄事切惟墾荒一事原爲投誠之衆實繁有徒我皇上念其革面易心故與以安居樂業責令該地方官加意安插措置房器撥種田畝且全給一歲俸餉以作墾荒牛種之資查此項旣携妻子而來得以有室有家耕田鑿井自宜感戴皇仁永爲聖世含哺鼓腹之氓不誠善乎近臣閱邸抄見報弁兵私逃者不一而足湖北之隨州則有守備張寶矣河南之鞏縣則有僉書吳朝瑞矣山西之臨晉則有林龍林紀等矣襄陽之南漳則有王俊周龍等矣河南之嵩縣則有陳義一案已經奉旨嚴察矣臣思此項之人不知戴高履厚圖報國恩乃狼心未馴兔脫難羈不深負皇上撫綏之仁乎但携妻絜子而去日行不過數十里百里而止豈毫無風影遽難追緝居址何地隣佑何人本提標何官何以素無稽察督墾何弁何以全無防範該地方所司何事何以不嚴查出入令鄉保等互爲覺察乃致聽其縱逸漫無踪跡及行文文武衙門查緝又云並無逃弁豈此輩真能

飛空滅影御風而行乎總一不嚴加躡緝之故耳臣愚謂嗣後宜勅部定例本
提標督墾及地方有司踈縱者俱應作何處分併宜敕行文武衙門嚴飭各隘
目兵或見有攜帶家口情形可疑者加意盤詰至弁兵如有仍前離汎遠遁者
拏獲作何懲治以肅法紀庶幾地無荒土而羣知奉法矣如果臣言不謬伏乞
睿鑒施行爲此具本謹題請旨康熙十六年六月二十二日題本月二十七日
奉旨該部議奏

才今年任內補欠已完而將來巡鹽御史無欠可補其差內餘銀應行解部合並聲明奴才臨奏不勝慚感悚惕之至康熙五十六年七月十三日
硃批知道了好

謝賜書扇石硯摺 康熙五十六年七月二十七日

奴才李煦跪奏七月二十五日杭州織造孫文成家人齎到欽賜御書金扇一柄瑤瑯金磚片嵌石盒硯一方奴才卽跪迎進署恭設香案望闕叩頭謝恩訖竊奴才仰沐殊恩再理淮鹺榮寵破格已爲亘古所無乃又蒙天心垂念特賜御書金扇新製佳硯是天高地厚之恩奴才未報萬一而殊榮異數之貺聖主復賜九重奴才感之甚又愧之甚也再扇上御書奴才未得仰瞻已經數載今叩頭敬視竊見龍飛鳳舞之中具顏筋柳骨之妙我萬歲用筆正如天行彌健而精神固結於以下萬壽之無疆蒙恩犬馬卽舉手加額爲之欣躍不已至於新製佳硯又超出前古而奴才謹奉爲世寶者也理合具摺奏謝伏乞聖鑒奴才臨奏不勝感激忭舞之至康熙五十六年七月二十七日

硃批知道了

奏報欽賜天寧寺住持廣明扇硯已交領摺康熙五十六年七月二十七日
奴才李煦跪奏竊孫文成家人七月二十五日又齋到欽賜天寧寺住持臣僧
廣明御書金扇一柄瑤瑯片嵌紙盒硯一方奴才跪迎進署即日傳知廣明於
二十六日前來奴才宣示恩旨一面敬捧賜扇賜硯交領臣僧廣明跪接隨望
闕叩頭謝恩訖據廣明口稱感激下忱無由達於天聽求奴才代奏理合具摺
奏聞伏乞聖鑒康熙五十六年七月二十七日
硃批知道了廣明如何無奏摺

奏報雨水米價摺康熙五十六年八月初九日

奴才李煦跪奏竊蘇州揚州等府雨水調勻田禾茂盛真有時和年豐之象足
以上慰聖懷近日米價上號一兩一錢光景次號九錢五分光景蘇揚彷彿相
同謹繕蘇州揚州七月晴雨錄進呈伏乞聖鑒康熙五十六年八月初九日
硃批米價算不得賤

代僧廣明進呈奏摺並報雨水米價摺康熙五十六年九月初九日

奴才李煦跪奏竊天寧寺住持臣僧廣明恭齋謝恩奏摺交與奴才謹早御覽目下蘇州揚州雨水調勻米價頗賤上號不出一兩次號不出九錢而秋成在即又屬大有之歲則從此米價長平所以各處民心並皆歡悅也蘇州揚州八月晴雨錄進呈伏乞聖鑒康熙五十六年九月初九日
硃批知道了

奏清補曹寅織造虧空摺康熙五十六年九月初九日

奴才李煦跪奏竊曹寅於壬辰一綱有應得商人餘銀十一萬兩因江寧織造衙門有虧空錢糧遂留此十一萬兩未向商人取去以抵虧空內之數曾經題明在案今年奴才遵旨清補積欠已將此十一萬兩向商人催齊於九月初六日解交曹頌以補織造衙門虧項除具疏題報外謹繕摺奏聞再奴才今年鹽差有應得經費銀約一萬二千兩上年十一月具摺請將經費項內分給曹頌以爲當差使用業蒙俞允今奴才於九月初六日將經費銀五千兩面交曹頌

詔理合一并奏聞伏乞聖鑒康熙五十六年九月初九日
硃批知道了

奏報御稻收割日期摺 康熙五十六年九月十九日

奴才李煦跪奏竊南方百姓仰賴聖主宏福得以雨暘時若而且各路米價甚賤目下徧野嘉穀卽日又可豐收所以民心歡悅真有時和年豐之樂也奴才所種第二次御稻九月二十四五可以收割其所收之數當於刈穫之日奏報伏乞聖鑒康熙五十六年九月十九日
硃批知道了

奏報御稻已收訖摺 康熙五十六年十月十一日

奴才李煦跪奏竊奴才所種第二番御稻已於十月初二日收割每畝得稻子二石五斗謹礮新米五升進呈而收割之後耆老百姓有來求稻子者奴才卽爲給發至於蘇州鄉紳揚州商人所種第二番御稻亦皆收訖其收數奴才另單細開恭呈聖覽再蘇州揚州各府庄農已經刈稻俱得十分收成萬民齊慶

豐年目下米價上號九錢次號八錢雨暘又喜時若所有蘇州揚州九月晴雨錄繕清恭進伏乞聖鑒康熙五十六年十月十一日

硃批知道了

請示銀兩應否解京摺 康熙五十六年十一月初二日

奴才李煦跪奏竊奴才於補完織造虧項之外另有銀六萬六千兩前具摺奏請解繳內庫奉硃批解京又費一番事不如存庫爾到京將戶部銀補交可也欽此欽遵但奴才又奉恩旨再巡視一年是奴才未得進京而此六萬六千兩或仍存運使庫內抑即日解送進京繳於內庫伏乞批示遵行康熙五十六年十一月初二日

硃批此項銀六萬兩且留爾處明年若少欠些須即將此銀並明年再得不下二十萬亦可以補完

謝再命巡視淮鹽摺 康熙五十六年十一月初二日

奴才李煦跪奏奴才接閱京抄伏讀諭旨巡視兩淮鹽課九卿奏請將李煦再

留一年李煦着再留一年未完銀兩帶銷完納伏思奴才於兩淮歷蒙恩旨輪
視五年代曹寅管理一載此種榮遇至矣極矣上年十月復奉巡鹽之命已出
諸夢想之外今又奉恩綸着奴才再巡視一年犬馬私心不勝驚愕竊查兩淮
自設巡鹽衙門以來從無一人之身得以入視淮鹺而千古未有之事奴才一
旦蒙萬歲越格之用自揣何人受此異數而回憶聖眷於從前思維主恩於今
日不禁涕零如雨且感激之切與抱愧之深交迸胸臆奴才惟有仰體聖心恤
商裕課不敢擾累商人亦不使有懸欠之錢糧而刻刻留心事事殫力以勵奴
才之職守至於我萬歲洪恩奴才雖世世犬馬未能仰報萬一也恭設香案望
闕叩頭謝恩外謹具摺奏謝伏乞慈鑒奴才臨奏無任感激慚悚之至康熙五
十六年十一月初二日

硃批明年未完銀其數甚多可以完否

進晴雨錄摺 康熙五十六年十一月初七日

奴才李煦跪奏竊蘇州揚州各府米價照常上號九錢五分次號八錢蘇揚衍

佛相同至於雨水調勻萬民樂業所有蘇州揚州十月晴雨錄恭繕進呈伏乞
聖鑒康熙五十六年十一月初七日

硃批知道了

奏准鹽餘銀聽候撥解摺 康熙五十六年十一月初七日

奴才李煦跪奏竊奴才上年十月奉恩旨再理淮鹺於十一月十三日到任扣
至今年十一月十二日一年差滿矣一差之內前鹽臣李陳常奏明應得餘銀
三十一萬七千兩奴才今年將所得餘銀抵補織造虧欠二十八萬八千六百
九十二兩零已經題明在案尙剩銀二萬八千三百七兩零商人目下已將此
銀繳足奴才隨送歸運使庫內聽候戶部撥解充餉除繕疏題明外理合具摺
奏聞伏乞聖鑒康熙五十六年十一月初七日

硃批知道了

奏已命天寧寺延僧爲太后諷經摺 康熙五十六年十一月初七日

奴才李煦跪奏竊奴才接閱京抄云包衣昂邦衙門十月十九日奉硃筆上諭

董殿邦關保爾等傳與各寺廟觀院等處爲皇太后諷經若僧道內有能醫病者着卽舉送欽此伏思皇太后聖躬偶爾違和奴才以職守之重未敢詣都請安而犬馬下忱實踧踖靡寧謹卽虔誠齋戒擇十一月初九日在揚州天寧寺內延僧諷經七晝夜伏如來諸天之法力保皇太后聖體之康寧而奴才薰沐虔禱以稍盡區區之蟻忱也理合具摺奏聞伏乞聖鑒康熙五十六年十一月初七日

硃批是還該多諷些日子

請安摺 康熙五十六年十一月十五日

奴才李煦跪請萬歲萬安竊十一月十四日接閱京抄云皇上原擬二十四日進宮因天雨腿疼不進宮等語伏思我聖主萬幾之勞因偶爾腿疼想目下已經全愈奴才接閱京抄之後寢食俱廢而受恩犬馬固晝夜之靡寧也謹具摺恭請萬安伏乞慈鑒奴才臨奏不勝悚惕馳戀之至康熙五十六年十一月十五日

硃批京抄也不可全信因皇太后春秋太高偶得痰症朕自夏天身體亦不甚

好又兼憂愁所以如此

奏報已接視鹽差摺

康熙五十六年十一月十五日

奴才李煦跪奏竊奴才上年十月再奉巡視之命惟恐鹽遲課誤有負天恩幸今年雨暘時若場鹽廣產不但本年一綱之鹽已經趕運足額且剩餘鹽數十萬引可供明年新綱摺運此奴才與曹寅輪視淮鹺十餘年來所未有者皆由我萬歲弘福所致遂得此天時之甚善而商灶歡騰羣情踴躍奴才十一月十二日舊任已滿又於十一月十三日欽遵接任恩命管理新綱之事凡應行諸務容奴才細細斟酌次第奏請聖裁謹先以接任視事具摺奏聞伏乞聖鑒康熙五十六年十一月十五日

硃批知道了

奏兩淮商人願再捐銀修築瓜州堤工摺

康熙五十六年十一月廿七日

奴才李煦跪奏竊瓜州之花園港息浪菴去年江潮衝刷蒙萬歲軫念城垣民舍勅速建隄保護其工料銀兩俱兩淮商人認捐完工已經題明在案矣今又

據江防同知胡璉詳稱長江波濤涵湧恐猶有疎虞須另於花園港一帶做埽工一道以爲重門保障之計城垣民舍庶保萬全所需工料銀約九萬八千餘兩等語奴才躬親查閱果見江濤衝擊花園港內自應做埽工一道方資捍禦奴才以建工之事諭知商人而商人江楚吉等感激天恩無可報効願再捐九萬八千餘兩以認料工之需羣情甚爲踴躍奴才現在會同督臣撫臣河臣漕臣繕疏題明外謹先具摺奏聞伏乞聖鑒康熙五十六年十一月二十七日

進呈晴雨錄摺

康熙五十六年十二月初七日

奴才李煦跪奏竊蘇州揚州等府天氣晴和各處麥苗生發米價上號不出九錢五分次號不出八錢而時和年豐萬民樂業羣祝聖壽無疆也蘇州揚州十一月晴雨錄恭繕進呈伏乞聖鑒康熙五十六年十二月初七日

奏虔祝太后大安摺

康熙五十六年十一月初七日

奴才李煦跪奏竊奴才前閱京抄知皇太后聖躬偶爾違和卽具摺請安尙未奉到批摺蟻忱正切旁皇今京抄內又開萬歲擬二十日赴湯山坐湯因連日

太后欠安未曾起駕等語則太后聖躬尙未大安奴才倍加踧踖且我萬歲孝思迫切當太后聖躬之違和遂寢食俱廢坐立不寧萬歲聖體因不免消瘦奴才以職守之重又不敢奔馳詣闕叩請太后萬安而兩接京報真心如芒刺受恩犬馬惟祝太后之大安以致聖心之寧貼而終日終夜爲之望天虔禱也謹具摺奏聞伏乞慈鑒奴才臨奏不勝依依馳戀之至康熙五十六年十二月初七日

謝授侍郎銜摺康熙五十六年十二月十七日

奴才李煦跪奏竊奴才接到京抄知蒙萬歲垂念虧欠補完特勅議叙授奴才戶部右侍郎之銜聞命自天感恩無地矣康熙五十二年清茶房太監分川餘剩銀兩奴才未經奏明蒙聖王從寬將奴才革職留任撫心常常內愧又虧帑五十餘萬兩身家性命自知難逃國法乃我萬歲不究不追着前鹽臣李陳常代補繼復命奴才巡鹽以餘銀補帑則奴才欠項之補完皆出聖王之恩賜在奴才並無寸功卽准以復職已屬厚倖而特加戶部右侍郎之銜殊出夢想之外奴才革職戴罪而又虧欠錢糧是罪外有罪也萬歲以隆恩賞奴才巡鹽補

欠又以隆恩特賜加銜是恩上加恩也赦奴才罪外有罪之人而竟蒙萬歲恩上加恩之異私心感激雖滿身是口亦不能形容而受恩犬馬惟祝聖壽無疆以稍申愛戴之蟻情而已奴才恭設香案望闕叩頭謝恩外謹具摺奏謝伏乞慈鑒奴才臨奏不勝感戴悚惶之至康熙五十六年十二月十七日

奏請節哀並報兼程進京摺
康熙五十六年十二月二十日

奴才李煦跪奏竊奴才於十二月二十日驚聞皇太后賓天躑躅哀號肝腸如裂奴才以包衣下賤悲痛之情尙不能稍釋伏念萬歲當皇太后久安之時孝思迫切晝夜靡寧以致聖躬瘦弱今一旦皇太后賓天則聖人抱罔極之悲哀號慘痛更非奴才下情之所能形容矣但我萬歲爲四海蒼生之主聖躬關係甚大伏祈節哀保重上以慰皇太后在天之靈下以安率土臣民之望至奴才受恩最厚悲戀彌深現在東裝於二十六日兼程進京匍匐皇太后梓宮前以申犬馬哀恤並俯伏闕廷面請聖安合先具奏伏乞慈鑒奴才臨奏不勝依戀迫切之至康熙五十六年十二月二十日

福建建甯府教士林望生被毆案

英署理欽差傅磊斯知照教士林望生被毆情形照會

光緒五年正月二十八日

大英署理欽差駐劄中華便宜行事大臣參贊傅爲照會事昨據駐劄閩省領事官星詳報內稱今有本國教士在建甯府迪口地方約租房屋一所與華民教士林望生看守詎料本年正月初八日有本地生員游思樂前往林望生教士處聲言如欲在此蓋堂傳教須將洋銀一百付給否則卽將教堂拆毀並將教士逐出等語該教士未允游思樂遂率領無賴棍徒二百餘人先將教堂之門毀破堂內物件糟踏並將林教士毆打重傷搶去衣服等件該教士當請迪口謝縣丞保護無奈縣丞置之不理等因前來據此本署大臣查核以上情形案情顯然咎難推貸此等無故受屈之案閩省層見叠出本國先後於閩省已有煩言刻下又見此事諒貴親王聞知定必弗憚於懷此項虐待教民逐漸成習匪特揆諸情理不得如此且兩國條約載有明文更不得如斯相待也刻望貴親王咨行閩省大憲務將此案立即持平妥協辦理設法保護此等案端嗣

後不致再見爲盼爲此照會須至照會者右照會大清欽命總理各國事務和
碩恭親王一千八百七十九年二月十八日已卯年正月二十八日由上海行
次發

福建福清縣英教堂被毀案

英欽差威妥瑪知照福清縣屬巖兜地方教堂被毀各情節照會

光緒五年十一月十七日

大英欽差駐劄中華便宜行事大臣威爲照會事照得閩省奉教華民屢有被人欺凌之事本大臣前於光緒五年閏三月二十日並於六月初四月初四等日照會貴親王各在案昨據駐劄閩省星領事詳報內開現有本國教士稟稱本省福清縣屬巖兜地方本教堂被人砸毀人內奉教人陳永瑞身體素來衰弱被其羣毆擄去現在其家尙不知此人下落所有教堂以內物件均被拆壞傢俱等項亦被搬出焚燒並據原稟內稱附近巖兜地方於黑夜間被百餘人擁入教堂將房頂拆毀搶去堂內書籍傢俱等項並洋銀四十元等因由星領事詳報前來據此自應照會貴親王查照並望及早照復是盼須至照會者右照會大清欽命總理各國事務和碩恭親王一千八百七十九年十二月二十九日己卯年十一月十七日

福建福清縣英教堂被毀案

英教堂被毀案

英教堂被毀案

英教堂被毀案

英教堂被毀案

英教堂被毀案

英教堂被毀案

英教堂被毀案

英教堂被毀案

英教堂被毀案

英教堂被毀案

英教堂被毀案

英教堂被毀案

英教堂被毀案

福建龍巖州張貼毀教揭帖案

英欽差巴夏禮知照龍巖州教案各情節照會光緒九年十二月十五日
大英欽差駐劄中華便宜行事大臣巴爲照會事昨據本國駐劄廈門領事官
報稱近有龍巖州居民無端傳播謗言聳惑愚氓聽聞致與洋人構衅並將英
國教士二人重爲毆辱抄錄揭帖請爲核辦前來本大臣細閱詳文各詞此等
生隙情事始由張貼揭帖而起其帖內有誅滅教士能得其首者賞並禁止交
通洋人及典賣居住房地之語而懸粘揭帖皆非繕寫之文俱屬刊印之字又
在州城通衢大市以及附郭鄉鎮各處廣爲張貼且據該教士等所稟雖經赴
州乞禁詎意州牧非特未將揭帖銷除及查辦妄爲之人而揭帖反致張貼州
署門上亦竟置之不理各等語因思各國往來已久總期地方官於愚民懷疑
生隙之處早爲開導今者此等毀辱洋人揭帖竟能於相離通商口岸將及三
百里之處肆行廣布寔堪悵惜蓋龍巖州牧初未置辦是以該處刁民有恃無
恐竟將租與教士處所作爲醫院之房主拏獲當教士面前肆行毆虐鎖押勒

令將租契銷毀並禁其日後與該教士等交通往來旋經該教士再赴州署求爲申理而州牧置之如前毫無舉辦當領事官詳報之際該房主仍屬在押其子弟亦因畏避兇鋒出亡在外至該教士等尙有他寓亦恐連遭不測懼有性命之虞以上情節相應速行備文照會庶可早日將龍巖州民兇悍之性設法化導以免將來釀成大患至如何嚴飭該州之處因其未能妥盡保護教士之任責在貴國本大臣自可勿庸從中干預然領事官詳文既發於本年十一月十三日竊以爲此案倘有延宕恐致愈滋事端望由電報先行轉飭爲妙又查該州民如此狂悖伺隙之行諒皆出於下等愚民惟因若輩醜態有碍貴國睦友國禮宜之道合請貴親王轉行諄飭該處地方官與其未敢約束屬民致有擾害洋人之案曷若勉爲開導將愚氓嫌隙之心卽早釋然庶俾兩國人民敦睦之意日有振興若論此案教士等在彼行爲原係爲善之道決無不利之情該處居民竟以橫逆相報寔枉貴國人民向來禮義和霽之名也除將揭帖粘抄附送查閱外理應照會貴親王請爲查照施行可也爲此照會須至照會

者右照會大清欽命總理各國事務和碩恭親王一千八百八十四年正月十二日癸未年十二月十五日附粘

揭帖原件附光緒九年十二月十五日英欽差巴夏禮照會內

近來有猴形番獸二隻倚勢橫行藐視聖賢欲盜我州之寶前日聞有人以禮懸帖番獸自以聲勢拆帖告我州主欲欺我數十萬衆民自稱醫士救世設教禮拜訓民我大中國有華陀孫真人之門人仙醫神治之法禮義有孔聖先賢之教敬天地君親父子兄弟夫婦以排五倫之分訓有仁義禮智信忠孝廉節之道以傳萬世至今亦行仁政番獸豈能識乎汝醫者寔欲盜我人體之寶詐稱醫生教者番獸不知廉恥敢以耶穌書策布分我國觀書中所言若無父子之論又有一婦人連納七夫閱之真無上下以亂五倫之番禽獸所爲也不知自辱其倫敢反說教我等衆民真乃化外番禽獸不知禮義不顧廉恥也觀此獸所爲久欲殺之恐背古聖賢行仁德之訓不忍造次誅番獸則命故以片言示知番狗若知過仍可拆示求我州主帶汝到聖廟宮牆萬仞之外跪百跪叩

百叩以聖賢求罪以銷我一州之恨暫恕汝狗命速可走回番獸狗洞如其不行候旬日誓滅番獸一毛不還若不滅者我全州誓不爲人番州若要知懸示人吾乃姓天名皆字滅番形容手有殺番獸之骨面有誅番獸之相諒汝易識其人若論條約我聖上被奸獸花言巧語瞞許條約豈能瞞我等乎

福建龍巖州新捐平夷滅番局衆爲出示曉諭照得各鄉各姓子侄各有心懷痛恨不平爾等當知番狗來歷不過勢逼官長任縱設教設醫教人藐視聖賢不敬祖宗不存父母不分五倫不行禮義又有一章倘有愚人食被番教者務要三思謹戒食不出三年未死之時就要取人全身七寶縱有月給銀元死後陰魂亦無能爲也醫人雖然工藥無資豈有本心實欲刺人心肝盜人腦髓取人眼目破人膽子惟人若無此數件之全體豈有顏容見祖宗乎論兇惡行違理行早滅現今衆心不平各人踴躍歛資設局酌議定章有能得番首者賞銀二百兩不論軍民人等一體給賞事由本局抵柱諭此是寔決不食言智能之士卽到本局領有密囑豈無良法前有愚人誤聽邪弄貪圖小利不知有刺人

體之寶自諭之後各宜時刻謹戒在心免致邪害諭仰各鄉姓人等知悉智能之士到本局領議章可也切勿玩遲致生藐視聖賢滅倫淫亂之教本局不忍坐視任縱番狗亂違鄉俗特此佈告本局設在寶劍山平夷堂此諭光緒九年七月日給

蓋聞出谷遷喬微禽猶能擇主援儒入墨人類豈不知差爰擬條規用挽風俗刊刻佈告俾得周知

一議黜異端以崇正學聖教昭彰合州士民各宜凜遵如有交通外匪趨入異端邪教者合州將其本人革出並三代不許與考照

一議衣冠中人如有交通外匪圖利辦事者亦以入教論照上條革例施行照

一議各姓戶山場地基地店房屋宇等物不許典賣租稅外匪以及作中代字等情如有此事亦照上例革出照

一議各坊社寄居客籍所置屋宇地基地店房山場等物倘敢典賣租稅外匪者先將房屋拆毀後將其人逐出境外以警効尤照

一議各姓戶婦女各宜謹守家規自惜廉恥如有與外匪往來藉作女工者被衆查確罪其公姑以故意任縱論其本婦子孫亦三代不許與考照

一議經被合州革出之人各姓戶務須一體革出如無革出被衆查確以包庇匪類論所有冠婚喪祭一概不與往來照

光緒九年癸未九月日閩州公具

英欽差巴夏禮知照龍巖州教案並未辦結照會光緒十年二月二十日大英欽差駐劄中華便宜行事大臣巴爲照會事案查閩省龍巖州居民無端傳謠謗言聳惑愚氓聽聞致與教士構衅並將該州城居住之英國教士二人重爲毆辱一案曾經本大臣於光緒九年十二月十五日照會貴親王在案旋於十二月十七日接准復稱以此案已發電信往詢閩省查明迅速妥慎辦理等語嗣於十二月二十六日又接照開以茲准閩省電復內稱教士二人私租公屋愚民貼揭帖飭差擄毀示禁教士已先租屋居住倪顯廷私租公屋合族不允將倪顯廷在宗祠治以家法現准駐廈領事官照復興泉永道已傳諭教

士將屋退還並由州勸諭紳民以後禮貌相待云云按照該省電復此案已爲
辦結除俟該省詳細咨復到日再行知照外相應先行照復查照等因准此當
經照錄此次來文札行廈門領事官遵照去後昨據該領事官詳復前來細閱
詳文所開各節與來文內所云按照該省電復此案已爲辦結之語似有未符
據稱所謂教士不宜租住之房屋雖係明中租賃毫無曖昧之情然已經傳諭
將屋退還以期啟衅根由一除則虎視教士眈眈之態遂可消弭淨盡不料此
望竟有未然蓋據該州居住教士函內之語本大臣前文所述張貼之揭帖非
特已貼者未曾撕毀反致新增若干且該州所出示禁不過敷衍之文張貼偏
僻處所卽被撕去茲擇函內要節譯錄呈閱又查該教士等將已租卑小房屋
作爲施濟善舉者恪遵領事官傳諭現已退還之事該處居民視之不但不以
爲格外通融之意反致變本加厲並他人情願出租者亦不容該教士等賃住
矣據此情節惟有再行備文請爲查照十二月十七日來文內所云迅速妥慎
辦理之語復咨閩省嚴切施行至龍巖州牧應如何切寔示禁保護教士以昭

貴國夙來信守美名之處諒貴親王自能洞悉至教士所爲皆係導仁行義施醫濟困之端藉以聯合中外睦誼因此枉冒惡名慘遭苛待逆知亦非貴國所願也此案該教士等雖無非是亦未貽誤於人竟遭匪徒無端凌虐羞辱若輩似此任性妄爲不顧有關國責且已經張貼之揭帖未經撕毀該匪徒等或以爲地方官有所愜意不敢制伏其未受教化之心故爾百數十人相聚羣起凌辱無辜之二客殊覺無理現經本大臣將該處巡道與領事官往返文件照錄附呈請於巡道文內所言尙須續租亦可妥商勸諭另行覓租俾昭公允而符條約之語三致意焉若地方官果能襄助另覓他處房屋誠如所云昭公允而符條約切祈轉飭照辦爲妥再貴親王十二月二十六日文內所云據閩省電咨已將揭帖撕毀示禁等語乃本月十三日接據廈門領事官電詳該揭帖至今尙未撕毀是該處地方官玩視功令致將早望了結之案續此蟬聯應如何從重申飭之處貴親王自有酌奪可也爲此照會須至照會者右照會大清欽命總理各國事務和碩恭親王一千八百八十四年三月十七日甲申年二月

二十日附抄

龍巖州教案關係文件抄單

原件附光緒十年二月二十日英欽差巴夏禮照會內

大清欽命二品銜福建分巡興泉永海防兵備道孫爲照送轉給事光緒九年十一月十四日據龍岩州稟稱竊照卑州耆民倪占先等稟控倪顯廷私將公業盜租洋人居住一案詳奉憲臺札查原字究竟有無送印原價若干曾否支收如何着追來詳未據聲明飭卽查明提訊妥辦具復正在遵辦間復蒙札飭以接准領事官照復各節飭照前札速卽訊明稟復並妥爲保護各等因遵查教士布茂林等來州租屋居住卑職力爲保護故能相安日久其所立租字並無送州蓋印嗣倪顯廷將公業私租此租字亦無送印現在是非曲直只查公業私業之別復經卑職傳集倪姓族長人等訊明倪顯廷盜租之屋寔係公業繳有該族公衆產業簿據查核相符并據倪顯廷供認一時糊塗私租公業不諱詢其後租屋價倪顯廷得受洋銀八元計重五兩五錢二分現據繳案其公屋寔不願租自應照約不能勒指追價退屋歸管以昭公允卑職卽令倪顯廷

前往該教士處求請退屋一面將訊明情形並原價送交該教士詎洋人布茂林堅執私見不由商辦送去信函亦不收閱聲言伊稟明領事官准其租住倪顯廷往懇亦以已租與我不能退回一味強詞奪理幸新來山雅谷教士人極和平囑原價暫存卑署仍稟請照會領事官妥商退屋等語卑職伏思該教士不肯收回原價若非解由憲轅轉交該教士勢復挨延該耆民等望歸無着宗族人衆數千丁雖地方官威迫於民亦難保相安領事官久在中華極爲精明公道自能見諒地方官之苦衷定可秉公妥辦至該教士前數次到州均係直入客廳並無留難及容縱役卒把持之事合將訊明倪顯廷續租與洋人之屋實係公業並追出原價解請轉給各緣由稟請察核俯賜將解到屋價就近轉交領事官給交該教士布茂林等收回並請飭將原立租字退還塗銷寔爲德便等由計送原價洋銀八元計重五兩五錢二分到道據此查此案節經照會移飭遵照妥辦保護在案茲據前由查租字旣未送訊蓋印而續租之屋據稟查訊確係公業追繳租價自應收價退還該教士先有租定倪顯廷已屋如此

外尚須續租亦可妥商勸諭另行覓租俾昭公允而符條約除稟批示並移汀漳龍道飭遵外合將前銀就近照送爲此照會貴領事請煩查收轉給該教士布茂林等收回並飭將原立租字退還照送轉發望切望切須至照會者右照會大英欽命駐劄廈門辦理通商事務領事官佛光緒九年十一月十六日計照送原價洋銀八元計重五兩五錢二分

大英欽命駐劄廈門辦理通商事務領事官佛爲照復事本年十一月十六日准貴道照會內開以據龍岩州稟教士布茂林租屋一案查係公業自應追價退還計照送洋銀八元五兩五錢二分等因到本領事准此查龍岩州地方僅只該教士兩人在彼居住而該處民人仍難與其相安似此令人不能無憂且租賃此屋乃爲施醫疾病而設已成廢廢豈不可惜茲本領事現已傳諭該教士將房屋退還龍岩州轉交俾免伊等毀侮但此雖屬該處百姓鄉愚無知然以後仍望地方官不時勸諭務使共知中外各國交涉有年彼此僑居總以禮貌相待和睦爲佳是則本領事有所厚望茲准前因合就備文照復爲此照請

貴道煩爲查照須至照會者右照會大清欽命二品銜福建分巡興泉永海防
兵備道孫一千八百八十三年十二月十九日光緒九年十一月二十日照會
大英欽命駐劄廈門辦理通商事務領事官佛爲照會事案查光緒九年十月
間據本國教士稟在龍岩州地方租有房屋以爲醫院嗣被州民阻撓懸粘揭
帖任意毀辱仍將出租房屋之房主拷打鎖禁等情當經稟由本領事就近照
會貴道轉飭查辦一面稟詳本國駐京大臣察鑒在案現奉憲批以接據本領
事所稟情形當卽照會總理衙門查照嗣准照復內開准貴大臣照稱據廈門
領事官報稱近有龍岩州居民傳播謗言致與洋人構衅並將教士二人毆辱
抄錄揭帖等件請爲核辦等因當經本衙門電詢閩省並照復在案茲准閩省
電復內稱教士二人私租公屋合族不允將倪顯廷在宗祠治以家法現准駐
廈領事官照復興泉永道已傳諭教士將屋退還並由州勸諭紳民以後禮貌
相待云云接照該省電復此案已爲辦結除俟該省詳細咨復到日再行知照
外相應先行照復貴大臣查照可也須至照會者等因割復到廈前來查文內

所云閩省電復內稱教士二人係爲私租之故不知私租二字如何解說本領事實難明白此義卽祈貴道詳爲解明或另轉詢龍岩州解說明白仍請回文照知以便本領事通曉此義也至於以後教士如要在於內地租屋等事究應如何設法租賃之處始免稱爲私租亦祈一併照復爲荷合就備文照會爲此照請貴道煩爲查照可也須至照會者右照會大清欽命二品銜福建分巡興泉永海防兵備道孫一千八百八十四年二月十六日光緒十年正月二十日照會

大清欽命二品銜福建分巡興泉永海防兵備道孫爲照復事光緒十年正月二十日准貴領事照會教士在龍岩州租屋州民懸粘揭帖稟詳貴國駐京大臣以據稟照會總理衙門照復電詢閩省復稱教士係私租之故不知私租二字如何解說卽爲解明或轉詢照知以後如何始免稱私租亦併照復等因查此私租二字似卽原案龍岩州詳倪顯廷不能將公屋私自出租之意電音簡略致啟疑團原復文內已聲明俟該省咨詳細復再行照知一經復到自必照

會行知即可釋然至此後租屋等事如係民間已業向原主商租若係公業向公衆租賃唯恐一時不能盡悉底細故歷辦均將租字照送驗訊印還向章如此想貴領事熟悉情形均已洞悉矣唯此案如何電詢電復本道衙門並未奉文除分別咨移查照外合行照復爲此照會貴領事請煩查照須至照會者右照會大英欽命駐劄廈門辦理通商事務領事官佛光緒十年正月二十二日茲將龍岩州教士函內擇要各詞譯錄

據稱去歲房主被官鎖拏之後民間即粘貼無名揭帖爲數甚多日昨本教士工人從城內及城門見所貼揭帖尙有十八張城外有十五張共計三十三張其城外揭帖在東邊者甚多距教士居處不遠其離城週圍三十餘里之村中前所張揭帖傳聞尙未毀盡而又經別項工人於此外見有揭帖九張雖經州牧出示一二紙其詞旨亦不甚着意所懸之處並非公署城門及粘貼揭帖地方不過僻靜無人之所於次日親見此示半被撕毀查當日曾租房屋暫作醫院經領事官飭令退還該處人民見有此舉由是相待教士益加輕慢緣民人

見本處人立有公會不許將房屋租與教士並將出租房主夥同舉去送官看押勒令教士將屋退出民見以上各節更以爲教士亦無在他處租賃民房之例民人辱詈教士甚至傷害官吏亦未經彈壓倫日後有人租與房屋想必亦被衆民將房主舉送到官勒逼退還據此而觀定無人敢將房屋租與教士居住縱有肯租者恐畏懼衆民又動公憤從中遏阻也若論所云該處人民輕待之舉以何爲據本教士日昨無辜被民人用泥塊瓦石亂相拋擊此係實言非敢捏飾除將此節稟知州牧並將詈罵之人所進店鋪一一指明相告此外並未稟報官員查辦竊以爲州牧如不能嚴加懲治深恐日後必定釀成巨案爲此特此布知光緒十年正月二十六日

英欽差巴夏禮照復望閩省遵飭撕毀揭帖照會

光緒十年二月二十五日

大英欽差駐劄中華便宜行事大臣巴爲照復事本年二月十七日連准貴親王來文並以福建龍巖州居民張貼匿名揭帖傳播訛言毀謗教士等情一案閱及文內所叙龍巖州牧稟報各節有云並諭倪姓家長人等嗣後教士在州

居住務須禮貌相待不得稍行毀謗云云聆悉之下有愜於衷蓋龍巖州牧果能使其屬民咸遵斯令將來必能相安不復再滋事端雖龍巖州牧稟報此案日期似先於前文所呈擇要譯錄教士信函叙及揭帖尙未撕毀並自受欺辱各節尤在該處領事官電詳揭帖至今尙未撕毀之前既蒙貴署於本大臣二月十五日面談之後電知閩省再飭嚴行禁止尙期續此有效除將貴署兩次來文抄錄札飭廈門領事官照查該處是否恪遵嚴行禁止之令詳細聲復俟復文到日再行據情知照外合卽先行照復可也爲此照復須至照會者右照會大清欽命總理各國事務和碩恭親王一千八百八十四年三月二十二日
甲申年二月二十五日

英欽差巴夏禮請飭龍巖州牧親查揭帖是否銷燬照會

光緒十年二月二十七日

大英欽差駐劄中華便宜行事大臣巴爲續行照會事照得龍岩州民毀辱居住該州之英國教士一事本大臣曾於本年二月二十五日將各節備文照會在案茲於昨晚復據廈門領事官將龍岩州牧與領事來往文件詳報前來細

閱彼此文詞想貴親王亦必視其敘述情節殊覺相懸也緣州牧於正月二十
六日文內有云目下民教相安而領事官有云至二月初七日毀謗揭帖尙未
撕去又曾有人週遭歷數共計三十三張並醫士無辜被石擲打等因惟盼龍
岩州牧果能克踐前言善爲調護俾免醫教各士不受毀辱以符條約理應保
護之意仍望州牧親往查看所有揭帖是否州民已遵前命速爲全行銷燬則
領事官即可無庸自往探視矣除將來往照會二件照錄送閱外相應備文照
會貴親王查照可也須至照會者右照會大清欽命總理各國事務和碩恭親
王一千八百八十四年三月二十四日甲申年二月二十七日附抄

龍巖州牧與廈門英領事官往來文件抄單

原件附光緒十年二月二十七日英欽差巴夏禮照會內

大清特授福建龍巖直隸州正堂加十級紀錄十次善爲照復事光緒十年正
月二十三日准貴領事官照會內開光緒九年十月間據本國教士稟在州屬
地方租有華民房屋以作醫館嗣被州民阻撓懸粘揭帖任意毀辱仍將出租
房屋之房主拷打鎖禁等情稟由本領事先後就近照請貴興泉永道孫轉諭

查辦一案一面乃將全案情由詳報本國駐京大臣察核在案去後現奉本國欽憲割行內開本大臣於光緒九年十二月十五日備文照會總理衙門王大

臣內開爲照會事云云

癸未十二月十五日去文全錄至須至照會者

旋准總理衙門照復內開准照

稱云云

九年十二月十七日來文全錄至須至照會者

等因照錄前來各奉此查本國教士前往內地

龍岩州遊歷各事兩國條約內均有載明英民凡入內地遊歷一切地方官應爲設法保護方符條約此次教士在州未見妥設善法保護反聽州民將租屋之房主私行拷禁實與條約相背茲現奉本國欽憲割文來廈用特恭錄照送貴州知照希卽轉諭該州民速將租屋之房主趕緊釋放一面仍行諭知如有本國人民以後來州遊歷等事萬勿任聽該州民如前毀辱滋事以致有傷和睦是爲至要至於以後該州人民相待英民有無欺辱情事一經本領事查訪明確仍要稟報本國駐京大臣察照查辦也合就備文照知爲此照會煩爲查照施行等因准此敝州查此案實由州民倪顯廷出租族衆公業起衅現在該屋已經退還自可相安無事其匿名揭帖屢經飭差銷燬倪顯廷早已釋回所

有倪姓人等亦已由州當堂懲斥此案已可了結目下民教相安諒不致再滋口舌敝州身任地方責無旁貸凡此交涉事件無不查明條約竭力保護俾敦和好實非坐視不辦因龍岩州在萬山之中醫教士等初次到州行醫設教以致無知州民所見不廣頗有閒言既經再三示諭勸導自可永釋嫌疑應不致再生事端班醫士今已復來照常施醫先租之屋仍係照舊居住自可無爭除由敝州隨時勸諭州民毋許生端並妥照約保護外合就備文照復貴領事官請爲查照施行須至照會者右照會大英欽命駐劄廈門辦理通商事務領事官佛光緒十年正月二十六日照會

大英欽命駐劄廈門辦理通商事務領事官佛爲照復事光緒十年二月初八日准貴州照復內開以本領事照會據本國醫教士稟在龍巖州租屋以作醫館內被州民阻撓懸貼匿名揭帖滋事一案現經州查此案實由州民倪顯廷租族衆公業起衅該屋已經退還自可相安無事其匿名揭帖屢經飭差銷燬倪顯廷早已釋回所有倪姓人等亦已由州當堂懲斥此案已可了結目下民

教相安諒不致再滋口舌敝州身任地方責無旁貸凡此交涉事件無不查明條約竭力保護俾敦和好實非坐視不辦因龍巖州在萬山之中醫教士等初次到州行醫設教以致無知州民所見不廣頗有閒言既經再三示諭勸導自可永釋嫌疑應不致再生事端班醫士今已復來照常施醫先祖之屋仍舊居住自可無爭除由敝州隨時勸諭州民毋許生端並安照約保護外照復查照各等因到本領事准此查此案前於二月初七日據在州施醫班教士稟稱所有該州各處遍貼之匿名揭帖不但毫末撕去且比從前張貼更多甚至同與地方官所出之禁止張貼揭帖告示相應懸貼在於州城門口所離本教士之租屋地方極近查數計有三十三張之多又據該教士前次稟稱本教士凡有出門在於街市行走之時常常被人用石擲打蓋並非是小孩戲侮實在是州屬一起兇野民人所爲且又任性辱罵以言恐嚇本教士曾經將該擲石之人認明指交州差拏究至今亦未懲辦爲此稟請察奪等情據此本領事查據該教士所稟該州民所貼之匿名揭帖敢與貴州所出之禁止張貼告示相連懸

貼卽此一端已屬胆大已極可見差役稟報銷燬之語盡是虛假瞞蔽之詞並據稟聞仍有匿名揭帖貼在各家百姓住屋門首者以此看來偷該差役果肯認真查明銷燬則就近責令該各居民自行撕去如不撕去卽照同謀之例查拏究辦仍令出具甘結似此認真辦理則不難銷滅淨盡並另由本領事飭諭該醫教士凡見州屬地方貼有揭帖者係在何家百姓之姓名查明的確就近轉報貴州查照以便飭差拏辦不但免其諉卸狡賴且亦係懲一儆百之一法也至該醫教士在州行走被人用石擲打一節據稟實係州屬兇野民人所爲並非小孩拋石戲侮旣經該教士認明其家指告差役查拏何以并不拏辦殊爲不解應請貴州將此有無查拏及如何辦理情形照知本署以便查核辦理爲要至於租屋一案前經本領事接准貴州照會後因知辦理爲難卽仰體貴州之意諭飭該醫教士照舊將屋退還然並非眞信此屋係爲倪姓公業不能租賃因此諭飭退還之故蓋明知中國各口以及內地各處凡遇教士租屋等事無不以此藉口或稱公業或云私租故意設謀阻止此本領事聞之已熟蓋

緣不過因爲彼此兩國既敦和睦之好自應格外體貼通融辦理諒必貢州應本領事一番美意相待也至於以後該州居民倘仍不能改此習氣仍是如此欺待一經該教士稟知到署則本領事惟有親身前來查詢的確以便將此情形再行申報理論除先將現在州屬揭帖仍未撕盡及擲石之人未辦情形備文中報本國駐京大臣察鑒外合就照復貢州請煩查照是荷須至照會者右照會大清特授福建龍巖直隸州正堂加十級紀錄十次善一千八百八十四年三月初十日光緒十年二月十三日

光緒庚子辛丑電報

全權大臣奕劻等電 光緒二十六年十二月初七日

火急西安軍機處街駐俄楊使儉電外部廿二歸屢與訂晤改期至再似有所待又似計畫未決未知何意戶部密談擬訂之款如下一兵費償款在京核定鐵路償款另算一東省我常設巡捕兵其數須與俄商定一簡放將軍先與商明一每將軍處俄派文武二員武稽巡捕兵數文辦鐵路等事一滿畿暨北省各項利益不得讓他國一滿蒙等處我不得造鐵路一金州城歸入租界一俄代理滿洲稅關由我派員稽查進款一陸路進口納稅後免內地稅一中俄借款應改每月付息一兵費賠款未清我無權贖回東省鐵路一俄欲購我山海關至營口鐵路該價卽在兵費賠款內扣算所餘之數每年應還利息卽在滿洲稅關進款內扣算一俄保路之兵訂明分期撤退各款均伊口述儒告以萬難全允賠款固宜清算他事總須持平辯論良久伊稱細節可商大旨難改應勸中國允從勿以瘋愚視俄等語細繹各款暨戶部之詞善自爲謀乘虛圖我

情形顯然查兵權利權與派官之權三者損一已失自主何況全損東省權利盡去已覺不堪何況牽涉蒙古暨北省一國如此他國效尤保全中國之謂何竊以俄如和平商辦作一榜樣應速與訂定如挾制我觀自便私圖宜暫延緩且俟各國訂約再商否則倘英於長江一帶德於山東全省均欲援例何以應之東省不守幸議交收堅拒非宜曲從不可事處兩難所宜通籌定奪既經戶部談及合先電陳梗概乞代奏請示機宜等語查俄戶部維持主持國是外部聽命此言如此殊難就範現日本使倡言如照周冕旅順所議東省雖曰交還實同佔據則英必佔長江德必踞山東日本亦必圖踞地大局擾亂可危似應如楊儒所議宜暫延緩爲便奕劻李鴻章江

盛宣懷電

光緒二十六年十二月初七日

行在榮中堂王中堂鹿大人滬密宥電遵商慶邸李相以緩辦釋疑爲主頃接傅相冬電各使正爲此事會議亦知急辦生變但說留作後圖聞德意禍首不辦藉詞永不撤兵恐生大變若以密旨給看或是緩辦釋疑一法事關緊急希

問復云現聞各國皆稱懲辦賠償兩事不妥必不撤兵瓦帥如欲俟回鑾後起程則草約雖畫事尙未已乞鈞裁宣懷謹肅江

浙江藩司榮銓電

光緒二十六年十二月初八日

行在軍機大臣夔帥仲帥滋帥展帥鈞鑒亥密今夏衢州教案實由當時同城官吏未能救護其餘遠在省垣之官猝不及知迨既聞報卽嚴飭查拏肇禍各犯重囚就獲皆由嚴札催擒榮銓時任臬司他無事權凡職所應爲者未嘗稍忽前次蘇省報紙忽謂五月念四念五廷寄係銓捉景帥鈔傳不知實景帥一時不及細思至於宣布且旋即嚴令繳回司署更未先聞也讒言之傷已可想見當閱此報並由滬友告知外人已信其言急求憚崧帥託盛京卿向外人力辨其誣崧帥已託昨京卿致崧帥電謂英領事奉其駐京大臣諭仍堅說衢案由景帥及銓嫉視外人而起必欲鐫級遣戍云云榮銓一官無足輕重第誤聽者毫無事據且臬司衙門凡嚴札飭拏滋事兇犯均有案卷可稽况衢案首先被害者係吳令德瀟渠遵札保教此爲院司不嫉視外人之證再銓與吳令同

年更無仇視華官之理乃忽爲怨家傷陷未免過屈因思諸帥知銓者乞速電達慶邸傅相剖析劉中丞已屬受誣則銓之奇冤更可昭雪鼎言挽救頂祝無量肅叩鈞安邸相如何商定祈賜覆本司榮銓謹稟冬

盛宣懷電

光緒二十六年十二月初八日

火急行在榮中堂王中堂鹿大人滬密宥電轉京內廷諭旨奉令官兵語句全權沁奏保無後患宣以爲後患之有無本不在紙片而在辦法朝廷迭次諭旨歸咎肇禍諸臣貽憂宗社懿親如端莊兩邸已所勿卹自足以折服人心董福祥戕害日員圍攻使館各使尤深恨之初以爲董雖構衅而忠勇可嘉近自北方來者皆言董擁重兵未與聯軍一戰洋兵過通州董卽出城沿途搶掠騾馬盡爲所擄京城內外財物旂漢婦女滿載而行衆所共見其時聖駕蒙塵並不隨扈然則董罪不僅在外衅實亦國法所難容聖明旣允徐圖辦法相機爲之是朝廷並無袒縱之意自古誅豪將全在出其不備與其明示查辦恐激變端似不若僅予革職不加查辦字樣如政府真不欲開脫仍密電全權允許各國

從緩相機籌辦較爲省事乞密籌宣懷謹肅艷

宋慶等電 光緒二十六年十二月初八日

行在軍機大臣中堂大人鈞鑒亥密頃據探報洋人從五虎嶺來欲進廣昌已由升允萬本華派隊相機因應除飭馬金叙等一體嚴防隨時與晉撫妥爲商辦外乞代奏宋慶馬玉崑叩庚

全權大臣奕劻等電 光緒二十六年十二月初九日

西安軍機處英使函報英君主於十二月初三日下午六點鐘薨逝請將此可悲之事代奏云望速具國電道唁羅報亦同奕劻李鴻章歌

全權大臣奕劻等電 光緒二十六年十二月初九日

西安軍機處頃接增祺冬電臘月初三日親赴旅順與阿提督面議接收事宜祈轉奏云奕劻李鴻章陽

全權大臣奕劻等電 光緒二十六年十二月初十日

西安軍機處由楊使江電豔晤外部據稱現議之約由戶兵部擬稿數日內可

以送閱告以俄一意保全中國屢經宣告中外今議交地總須名實相副不但中國心感亦且環球屬目如此榜樣恐英於長江雲南德於山東法於廣西及日本等相率效尤流弊何極伊謂事隸戶兵勢難專主開議時當代爲調停昨奉勅電及盛轉勅旨又撮要告外戶效尤一層前已屢言之與尊見脗合惟伊等均稱增阿暫約須先請政府批准畫押之件豈可不認答以增祺既未請旨革員決無全權斷難批准彼終以既訂難毀爲言儒爭之至再戶部允從長計議然終未允毀儒又謂俄聲言保我自主何兵權利權派官之權一朝奪盡聲言不利土地何現商東省連及蒙古與北省太不爲中國地所冀實踐前言以固鄰好前口述各款決難辦到外仍諉戶戶稱懲前愆後不得不爾現正擬約稿可讓之處惟力是視云容再聞乞代奏云奕劻李鴻章陽

盛宣懷電

光緒二十六年十二月初十日

火急九江大冶速寄漢口轉火急行在軍機處浙衢案英領事照稱駐京大臣電諭所指鎮道府營紳士均應正法此案政府已擬定照此辦理前撫劉前臬

榮嫉視外人應先革職永不叙用再擬遣戍所有財產查封入公以此撫卹教士家屬衢紳功名均應斥革飭令撫卹賠償等語宣日奉命後堅持力辯鎮道府均不允辦死罪並商請英美使其政府設法調處稍有轉機容俟分別商擬辦法再行電奏宣懷謹肅庚亥

兩江總督劉坤一電光緒二十六年十二月初十日

校對行在軍機處鈞鑒亥英君主薨逝日本知該國新君雄略是以極意聯絡中與俄前訂密約爲英所忌故此大議款英多要挾現將開議細目通商加稅等事尤以英爲樞紐是爲我計亟宜乘此聯英冀得相助擬請卽發國電唁慰聲明後派專使弔賀似與派使赴俄專賀加冕之意相同修好釋嫌機不可失請代奏坤語

盛宣懷電光緒二十六年十二月初十日

火急行在軍機處滬密浙撫惲魚電初六丁憂衢案未結英總領事前來照會請辦鎮道府營紳士及地方賠卹等事內有英政府擬定辦法前撫劉前臬榮

嫉視外人應先革職永不叙用等語正賴閣下認真辯論設法磋磨之際目前此缺頗關緊要伏乞密電樞廷請簡近省賢員迅速赴浙接篆以期妥協云宣懷謹肅陽

全權大臣奕劻等電光緒二十六年十二月初十日

火急西安軍機處敬電奉旨大綱第一款爲德使克林德樹立銘誌之碑著卽派員先行撰文呈覽候旨定奪等因除碑式如何與該使品位相配另與駐使斟酌妥商外所有碑文茲已派員撰就電呈御覽請旨定奪請代奏奕劻李鴻章陽碑文如下國家與環球各國立約以來使臣歷數萬里之遠來駐吾華國權所寄至隆且重凡我中國臣民俱宜愛護而敬恭之者也德國使臣克林德秉性和平辦理兩國交涉諸務尤爲朕心所深信迺本年五月義和拳匪闖入京師兵民交訌竟至被戕隕命朕心實負疚焉業經降旨特派大臣致祭並命南北洋大臣於該使臣靈柩回國時妥爲照料茲於被害地方按其品位樹之碑銘朕尤有再三致意者蓋睦鄰之誼載於古經修好之規詳於公法我中國

夙稱禮義之邦宜敦忠信之本今者克林德爲國捐軀令名美譽雖已傳播五洲而在朕惋惜之懷則更歷久彌篤惟望譯讀是碑者覩物思人懲前毖後咸知遠人來華意存親睦相與開誠布公盡心欵洽庶幾太和之氣洋溢寰區既副朝廷柔遠之思益保亞洲昇平之局此尤朕所厚望云

盛宣懷電

光緒二十六年十二月十一日

行在榮中堂告密德王親至英廷弔唁德英交密恐於東三省俄約動效尤之念前請借弔賀重使修好峴帥意甚合乞中堂奏請全局必有益宣叩卦

全權大臣奕劻等電

光緒二十六年十二月十一日

西安軍機處告楊儒魚電迭晤外戶約稿未就彼仍堅欲批准暫章再商正約答以暫章應毀已聲明在前相強無益貴國既欲我在此今先以萬不可行者相逼不但暫章無請批之理亦正約無開議之期徒延時日况貴戶部已允從長計議矣反覆勸導戶躊躇久之始云如正約勿阻難此節當勉從所請答以如正約近理無不可商我祇可代奏允否全在政府連日辯論始將請批一節

爭罷此等技節尙與正文無涉開議結束正難預料苦於權勢俱無唇舌寡效
材輕任重焦急萬分乞先代奏稿到再陳等語奕劻李鴻章庚

慶親王奕劻電

光緒二十六年十二月十一日

兩宮行在軍機處西安行在軍機處鑒伍使電日國公主臘月廿六成婚請旨
致賀乞代奏慶親王庚

全權大臣奕劻等電

光緒二十六年十二月十一日

火急西安軍機處羅使佳電英新主額德華第七已嗣位而加冕未定期俟欄
再報十四日出殯後應否請發國電先行致賀云赫德謂得倫敦電東西洋各
國皆有電致唁致賀而中國未到祈代奏卽辦將來新君加冕似應照俄國例
專使往賀奕劻李鴻章蒸

山西巡撫錫良電

光緒二十六年十二月十二日

行在軍機大臣中堂大人鈞鑒昨馬玉崐接全權大臣電准法使函晉軍分佈
直邊約二萬五千人距彼駐地近勢難相容應請速飭撤退否則其提督瓦帥

不能不圖自衛殊非修好之本懷等語現值磋商細目極關緊要令與錫良傳知各軍酌退已函復法使電其提督勿再前進以免相逼等因當與馬玉崑以款目正在磋商何敢再生枝節惟查晉軍東路駐東天門東北路駐廣昌均與法隊尙遠既承電法提督勿再進自無相逼之虞錫良等仍飭各軍穩慎扼守毋與相爭力顧和局等詞電復全權大臣在案至紫荊關之德法洋兵疊據升允等稟初五以前日於五迴嶺一帶遊弋嗣見我軍嚴整不動遂於初六日攜帶砲位全數退回現五迴嶺上下均無踪跡敬請代奏以慰聖厯錫良叩文

湖廣總督張之洞電

光緒二十六年十二月十一日

萬急西安軍機處鈞鑒英國商務最盛東方英人最多現在商議詳約英人正宜格外聯絡以免妄發議論阻撓大局現英國君主新逝昨已見國書致唁誠足以固邦交本月十四日卽出殯若再由皇太后迅卽專電弔唁並請將來於國書致賀嗣位外皇太后亦加專電致賀則英人必更感戴諸事必更順手裨益大局實非淺顯請代奏之洞肅真

全權大臣奕劻等電 光緒二十六年十二月十三日

西安軍機處由齊佳電旨敬悉前送畫押專條即聲明應照條款末節所稱撤退京畿一帶駐紮兵隊未撤之先當立即停戰止兵不可再派兵分往各州縣城鎮四出騷擾據各使照覆以條款末節載明若非中國允從足適各國之意難許有撤退京畿一帶兵隊之望今僅畫押並未確切見諸施行難云足適各國之意未便即允停戰止兵法兵欲進廣昌迭經詰阻據稱晉邊添兵愈多法不能無備其意似欲逐退防兵並非深入至稱直隸地方劃歸法國自係誤聽訛言直隸除津保被佔此外並無某處劃歸某國之事也英主薨逝臣等即日往使館慰問請代奏奕劻李鴻章文

盛宣懷電 光緒二十六年十二月十三日

行在軍機處滬密蒸電謹悉初十電旨除照轉慶李外已嚴密摘錄催增回京尤要在阻增赴旅但東三省電綫均爲俄佔難通密電礙專譯員赴旅順由旅沿途迎投接信或可折回但恐不及綽將軍十三赴旅當密告遇增即囑託病

回京近日中俄條款已由日本傳來徧登洋報各國議論紛紛恐羣思效尤而致觀望此事本宜後辦也宣懷真

全權大臣奕劻等電

光緒二十六年十二月十三日

行在軍機處亥本月初三領袖日使照稱中國國家允從所約之事必須確切見諸施行願貴王大臣詳加核閱注意於第二第十等款內載嚴懲獲罪之人以及將彈壓傷害他國人民之亂並防患害於未然等節明降諭旨宣布張貼按照貴王大臣之願早日訂期會晤以便將各國所注意之處詳細聲明等語除第二款請辦獲咎諸臣俟訂期晤商各使再行電陳外第十款永禁軍民入會及官員於所屬境內遇有傷害他國人民不即彈壓懲辦革職永不叙用請頒諭旨張貼各節前准榮祿等十一月支電須查明情形分別輕重未便一概永不叙用臣等亦計議及此惟各使現注意此條必須照辦方可開議他款自未便因此延擱且如果有意縱容戕害洋人釀成巨案即永不叙用不爲過當臣等現擬諭旨兩道電呈御覽務求朝廷允行即日宣布中外至將來辦法若

內已酌留地步尙可臨時自行斟酌請代奏奕劻李鴻章蒸擬旨如下上諭各省會徒藉仇教爲名糾衆立會迭經降旨嚴禁不啻三令五申乃近年山東各屬竟有大刀會義和拳等名目到處傳習肆行殺掠蔓延直境闖入京師以致焚燬教堂圍攻使館開罪鄰邦貽誤大局朕以保護未至負疚滋深爾百姓平日食毛踐土具受國恩乃敢逞其好勇鬥狠之私習爲符呪邪妄之術拒捕官肆無忌憚遂爾肇此奇禍上貽君父之憂追念之餘尤深痛恨業經嚴飭各路統兵大臣實力剿辦務淨根株並將縱庇義和拳之王大臣各照應得之罪分別輕重盡法嚴懲殺害各國人民之各城鎮概停文武各項考試五年以示懲儆惟思鄉僻愚民尙未周知特再嚴行申禁以免不教而誅爾君民人等須知結黨入會例禁綦嚴列朝辦理會匪之案從未稍寬况各國皆屬友邦教民亦係赤子朝廷一視同仁毫無歧視卽或果有被欺情事亦應呈報官司聽候持平判斷何得輕聽謠傳藉詞報復託名義憤藐視刑章迨事敗之後黠者遠颺懦者受戮法所難容情實可憫自此次嚴諭之後各宜悔悟自新痛改舊習

如再有怙惡不悛之徒私立仇教各會持械格鬥公然劫掠除將爲首之人嚴密查拿盡法懲治外其甘心從逆焚殺有據者亦卽按照懲辦土匪章程一律問死決不寬貸各省將軍督撫大吏均有牧民之責務各嚴飭所屬剴切曉諭並將此次諭旨刊刻謄黃徧行張貼務使家喻戶曉勉爲善良以無負朝廷諄諄誥誡以止辟之至意將此通諭知之欽此上諭中外訂約以來各國人民准入內地載在條約朝廷慎固邦交迭經諭飭各省實力保護乃地方官漫不經心以致匪徒肆行滋擾傷害各國人民之案屢見叠出朕維薄德無以化導愚民良深引疚而地方各官平日於洋務不知講求於交涉罔知大體以至燎原引火貽害君國撫心自問當亦難安自今以往其各振刷精神捐除成見須知修好睦鄰古今通義遠人來華或通商以懋遷有無或游歷以增長學識卽傳教之士亦以勸人行善爲本梯山航海備極艱辛我中國旣稱禮義之邦宜盡賓主之誼况近年華民出洋者不下數十萬人身家財產悉賴各國保全卽以報施而論亦豈得稍存歧視著再責成各直省文武大吏通飭所屬遇有各

國官民入境務須切實照料保護倘有不逞之徒假託義憤凌虐戕害洋人立
卽馳往彈壓獲犯懲辦不得稍涉玩延如或漫無覺察甚至有意縱容釀成巨
案定將該管地方官革職永不叙用不准投効他省希圖開復並將此次諭旨
一併刊布出示曉諭以期官民交警永革澆風欽此

全權大臣奕劻等電

光緒二十六年十二月十四日

西安軍機處頃據俄格使函稱聞中國有換現任盛京將軍之說本大臣視爲
危險前奉旨令增祺仍回本任經我政府所理會而本大臣轉達本國大憲者
方有暫訂治理該省事宜歸於該將軍之說今突見撤任則於楊欽使在俄都
所奉委辦商議之動靜如何不利於中國可想而知等語聞旅順阿提督密電
於此事大爲不平曾在旅並未聞如何開議事關交收東省大計似不得不俯
順洋情可否仍令增祺署理將軍之處伏候聖裁若另易生手誠恐決裂請代
奏奕劻李鴻章元

盛宣懷電

光緒二十六年十二月十四日

急行在軍機處由頃接全權元電蒸電旨已轉增俄使等聞信甚鼓譟云將具函牘力爭增誤在初用周繼甚悔不致再生事若清銳曾統帶拳匪俄所深惡且素未辦過交涉斷不勝任似應令增署藩督以籠絡令將一切均聽楊議否則恐卽決裂無交收之日矣望密商樞廷設法轉圜云頃俄領事稱增初六到旅日內卽已回藩旣恐決裂只可暫爲羈縻或改爲革職留任刻卽專人由旅赴藩訪明增在旅如何措詞再行密陳宣懷元

全權大臣奕劻等電

光緒二十六年十二月十四日

西安軍機處由前據英使函稱英繪圖官周尼思於本年六月由山西包頭地方行至歸化城卽無下落請飭查明當咨察哈爾都統就近詳查旋准查復周尼思確於六月十九日在歸綏道署西門外被殺惟該道稟係綏遠城將軍派小隊傳令箭將周尼思正法該將軍咨風聞是日午後道署西門外殺一洋人不知情由兩署互相推諉復經密咨察哈爾都統派員再往確查茲准該都統奎順覆稱查明綏遠城將軍委無派小隊傳令箭將周尼思正法之事歸綏道

始則諉爲將軍之令迨經確查又謂被拳民毆斃探諸輿論準以案情其爲該道所辦之事毫無疑義咨請核辦前來查該道於過境洋員任意殺害實屬荒謬已極英使業已訪知意在以該道擬抵但尙未查確茲據前情若不先事嚴懲斷難與議應請旨將署歸綏道鄭文欽先行革職聽候查辦案關重大將來如何擬結容俟奉旨後照會英使再與極力磋磨奕劻李鴻章請代奏文

盛宣懷電

光緒二十六年十二月十五日

行在軍機處庚電已密商全權頃接邱相元電滬密辦董密旨擬俟會議時如迫我尅期必辦則出示釋疑連日與各使密談似已略知辦董之有害大局惟又注重端瀾耳至兵費一節向例須議定數目限期始能撤兵頃聞瓦帥知照各使所索懲辦禍首如果照辦確有證據各國所索兵費亦如數允給則北京保定兵隊始可撤退直隸全省兵隊亦可酌減云希轉達樞廷宣懷轉願

盛宣懷電

光緒二十六年十二月十六日

行在孫王道亥現定十七已刻在英使館開議詳欵希轉稟樞廷宣翰

大戲 清平見喜 和合呈祥

清平見喜

(扮旗童各執喜字旗引喜神執小喜字旗上喜神唱)

〔醉花陰〕

運際陶唐。太平盛世。迓景福罄無不宜。和氣滿宮闈。連袂丹墀。來

拜獻重重喜。

只望着天顏有。近臣知。萬瑞駢臻真樂地。(白)萬年天子萬年

清。一喜還教萬喜生。玉殿雲開晴日麗。雙雙和合喜昇平。吾等十方喜神是也。

恭逢皇太后萬壽聖誕。德邁唐虞。兆民康阜。河清海宴。雨順風調。真個家家見

喜。處處迎祥。同登仁壽之鄉。共慶長春之福。吾神氣裏休嘉。職司送喜。你看宮

庭內外。萬國九洲。好一片洋洋喜氣也。我等各按方位。頒佈大喜者。(衆旗童

擺式科內奏樂十喜神唱)

〔喜遷鶯〕

紉縵慶雲垂。兩壁宏開喜字旗。俺本是迎祥經紀。出門見有光輝。

熙熙際會奇。似吉曜連珠拱紫微。寶殿裏待化出崇禧奕葉。百蓋玻璃。(內奏

樂十喜神白)和合仙童那裏。(二和合童子上跳舞科白)喜神有何吩咐。

（十喜神白）如今重熙累洽，萬瑞咸臻，我與你喜見清平，你須化爲大小無窮之喜，以導迎善氣者。（二和合應科十喜神唱）

〔出隊子〕 雙雙和會，歡容堪解頤。我這清平見喜，你須知。你須似大喜花開成連理，變化憑伊一轉移。（二和合白）領法旨。我等變化去也。（下十喜神白）你看兩和合，歡天喜地而去，衆招喜侍者，爾等可將喜旗招貼，隨意遊戲，引領衆和合，將景福天喜，佈滿人間者。（旗童應科內奏樂旗童擺式歸五方舉喜字人暗上十喜神唱）

〔刮地風〕 喜的是萬象增輝，生喜氣。（旗童白）好喜也。（十喜神唱）喜

的是慶溢皇畿。（內雲末獻喜字科旗童白）好喜也。（十喜神唱）喜的是

山川草木都成瑞。（旗童白）好喜也。（十喜神唱）喜的是壽考維祺。（旗

童白）好喜也。（十喜神唱）喜的是民物咸熙。（旗童白）好喜也。（十喜

神唱）喜的是帝德巍巍。（旗童白）好喜也。（撤喜字下內奏樂十喜神貼

高處科旗童擺式畢衆和合上邊場科下十喜神白）果然好大喜也。（唱）則

喜他連袂行。並肩走。成雙成對。早則是艷晶晶。喜珠兒似一串摩尼。（內奏樂旗童引喜神下）

和合呈祥

（扮衆和合各執花盆上跳舞科唱）

〔古神杖兒〕 俺則見三臺泰階。晶光耀采。俺則見海宴河清。民安國泰。結一個歡喜因緣。過的這清平世界。看咱們躋躋踰踰。欣燕喜騰虎拜。（擺式科下內奏樂旗童引十喜神上唱）

〔四門子〕 俺待駕祥雲飛下三山外。颺朱旗送喜來。千和萬合真堪愛。捧青瓶似玉篆牌。疊疊生陣陣開。轆轤旋轉錦繡霽。喜氣如虹。歡氣如雷。樂陶陶仙韶一派。（內奏樂旗童引十喜神分下衆和合各執喜字雲上擺式科同唱）

〔古水仙子〕 呀呀呀。錦字排。呀呀呀。錦字排。看看萬喜層層疊疊來。這這這。慶溢丹墀。端端端。端的是歡生寰海。樂樂樂。樂豐登清世界。望望望。望繁禧。眼笑眉開。現現現。現如今卿雲輝五色。似似似。似綴景星瑞應乾坤泰。（十喜）

神上同唱) 早早早。早則是喜溢九層臺。(內奏樂同唱)

〔慶餘〕 雲裾霞帔搖仙珮。獻葵心恭進堯階。只看這太和元氣悠悠千萬載。

(同下)

大戲 蘭殿呈祥

第一齣 西池勅護

(雲童神將上跳舞科同唱)

〔八仙過海〕 壺天日永似行雲流水嘯傲寰中。韶華轉瞬。又見新桃初盛。

(神將白) 蓬萊正殿壓金鰲。碧瓦藏煙瑞日高。萬里雲霞開壽域。九重春色

醉仙桃。我等乃度索山衆神將是也。恭逢聖主萬壽聖誕。雲日增輝。上下神人

普同歡慶。正值蟠桃大熟。俺金母又欲邀請各路仙真。前往瑤京慶祝。(同唱)

這是一人有慶洽宣景。祿百福孔靈沐元功。羣仙供聯袂。匆匆共効呼嵩。(神

茶鬱壘上白) 盛世三陽泰。清朝百福臻。萬方齊拜獻。鴻禧自天申。(神將白)

二位何往。(神茶鬱壘白) 奉金母法旨。爲蟠桃正熟。恐有無知頑仙。前來偷

盜。爲此吩咐我二人前來。小心看護。(神將白) 二位。前日小弟蒙金母之命。

前去邀請諸仙。往神京祝壽回來。路過東方朔。教我寄個信兒與你。(神茶鬱

壘白) 嗔。這賊仙。寄什麼信來與我等。(神將白) 他問你蟠桃園內的仙

桃可曾熟，若熟了他好來偷。（神荼鬱壘白）又來出我們的醜了，請。（神將白）請。（神荼鬱壘白）術顯仙家秘，桃開小有天。（下神將白）這些洞天福地，前往神京稱祝，個個爭獻奇珍異寶，還有些野仙，不能去朝覲天顏，俺等到年年跟隨叩祝，好不欣幸也。（同唱）

〔桂枝香〕這是光揚德盛，感的葵傾覲聖，詣麟頭虎拜虞庭，咸賀着禎祥有

慶。（內白）金母有旨，著陶宏景、安期生、孫登、梅福，幫助神荼鬱壘，看守蟠桃。

至期同往神京去者。（陶宏景、安期生、孫登、梅福內白）領法旨。（上唱）奉仙

音命令，嚴護山嶺，巡邏無定，會昇平，好去朝天聖。金塔祝聖頌明。（下內白）

衆神將，金母有旨，宣衆神將進殿，有旨傳宣。（神將白）領法旨，天近帝城雙

闕迥，日臨仙仗五雲多。（衆雲童隨神將下，黃仙姑上唱）

〔前腔〕天風雲靜，海霞分影，暫離了洞府仙嶺，爲赴這神京恭頌。（白）小

仙黃仙姑，只爲聖主萬壽聖誕，意欲前去慶祝，又無金母之命，奈無奇珍異寶，

見這些各洞仙翁仙長，都是去朝天祝壽，個個摹拳擦掌，好不興頭，所以同我

嫂嫂許闌商量，他說此時度索山蟠桃正熟，若有數枚進獻，這才是真正罕物。俺一聞此言，就別了我嫂嫂前來度索山偷取，來此已是你看峰嶂徘徊，霞錦新露含，煙雨滿山春。（唱）撲面桃馨味迎。逗的俺心懷微倖，拽裾穿徑。採仙靈，好去朝天聖。金堦祝聖頌賡。（神荼鬱壘上白）雲深不知處，只在此山中，（神荼鬱壘上白）小仙黃仙姑，到神京祝頌聖壽，無物可獻，特來求取仙桃數顆，望大仙方便。（神荼鬱壘白）大膽的狂婢，此乃進御之物，何得浪言相求。（黃仙姑白）噯，我好意相求，何故輒敢破口。（神荼鬱壘白）再若饒舌，拿你去見金母。（黃仙姑白）哇，看俺寶劍者。（戰科下）
陶宏景等上唱）

〔園林好帶僥僥令〕 奉綸音巡邏不停，稽暴客驅馳峻嶺，尊諭敢辭差命。

（神荼鬱壘上白）四位大仙，快些前來，幫我們擒捉賊婢。（黃仙姑上戰陶

宏景等上助戰，黃仙姑逃下，神荼鬱壘白）幸虧四位大仙前來助力，不然我

等不是他的對手。（陶宏景等白）我們一面打發人，稟知金母，添人看守。

擒捉此賊便了。(神荼鬱壘白)有理。(同下)

第二齣 玉洞懷謀

(許闌上唱)

〔滿庭芳〕仙真何處家。溪邊楊柳洞口桃花。身隨野鶴逕遠煙霞。幸際陶唐盛世。佈仁風亘邇遐。一般的共霑德化。(白)小仙姓許名闌。乃旌陽許真君之女。初適黃門。得授仙道。自隨家君於闔皂山。拔宅飛昇以來。不覺千年矣。今者恭逢聖主萬壽聖誕。小仙欲向神京叩祝。少展微忱。奈無方物進獻。爲此與姑娘商議。目下度索山蟠桃正熟。欲與姑娘同去竊取。以爲慶祝之敬。誰想姑娘竟獨任其事。前去竊取去了。怎麼此時還不見回來。(唱)只爲着皇恩廣大。因此上竊蟠桃去獻天家。(黃仙姑急上唱)

〔魚兒賺〕心意亂如麻。雨汗淋漓濕絳紗。(作見科許闌白)姑娘回來了。

你去竊桃之事如何。(黃仙姑白)阿呀嫂嫂。嗟。(唱)羞見伊家。悔却昨朝

浪自誇。(許闌白)如此說來。不會到手。嗟。莫非你不謹慎。洩漏了風聲。(黃

仙姑白）嫂嫂，（唱）我擔驚說，謹心慎意敢胡譁。（許闖白）如此怎的不到手呢。（黃仙姑白）我到了度索山、桃園門首，可喜無人看管，小妹直入園中，正待摘取，阿呀，嫂嫂，（唱）忽來他神荼鬱壘神通大，和着金仙把我拿，難禁架，幸然逃脫，心猶怕，怎生干罷。（許闖白）呀。（唱）

〔歸仙洞〕 他訴罷了一片言，我聽罷了如瘖啞，心下細詳察，難道就干休罷。

（黃仙姑白）嫂嫂如今却怎麼處。（許闖白）我原說你我同去見機而行，或者竊得到手，亦未可知，你要獨自前行，此番他們必然嚴加防備。（黃仙姑白）如此難道罷了不成。（許闖白）說那里話來，此心既舉，焉肯干休。（黃仙姑白）有何良計。（許闖白）也罷，待等更深人靜，你我帶領眾仙童，結束輕粧前去盜取，他總有準備，亦可禦敵。（黃仙姑白）嫂嫂之言有理，快進去吩咐眾仙童，粧束停當，待等更深前去便了。（許闖白）有理。（同唱）專等待漏聲三下，潛向那度索山踏，好將蟠桃一把輕抓。（同下）

第三齣 桃園拒戰

（護衛神神茶鬱壘陶宏景安期生孫登梅福上跳舞科同唱）

〔金子經〕 尊奉着慈音旨。護靈桃看守應。說甚的火棗交梨玉醴馨。人逢壽

長生。合休說這神露井。堪早獻供彤庭。（陶宏景白）我乃陶宏景是也。（安

期生白）我乃安期生是也。（孫登白）我乃孫登是也。（梅福白）我乃梅

福是也。（神茶白）我乃神茶是也。（鬱壘白）我乃鬱壘是也。（護衛神白）

我乃護衛神是也。（陶宏景等白）我等奉命看守桃園。不期黃仙姑來偷竊

蟠桃。將他戰敗逃去。已稟知金母。又蒙派衆護衛神前來幫助看守。（護衛神

白）此時將已昏暮。我等小心用力看守者。（衆同唱）合休說這神露井。堪

呈獻供彤庭。（下仙童引許闓黃仙姑上許闓白）呀。（唱）

〔集賢賓〕 望長空半彎斜月影。雲霧變彩霞凝。（黃仙姑唱）則聽得響疎

林聲聲鶴唳。遙望着度索山咫尺來迎。（內作風聲科許闓唱）趁着這旋風

兒。走遍了凸凹山崢。（黃仙姑唱）幸沒有吠犬兒。俺和恁放膽前行。（許闓

唱）猛見個碑亭似大漢。諛得我打了個嚙掙。俺只待狠擡着鳳目圓睜。（同

唱)只爲着天家恩澤沛。因此學狗盜做鷄鳴。(仙童白)已到度索山前了。

(許闖黃仙姑白)爾等就在此處接應者。(仙童應下黃仙姑白)嫂嫂桃

園就在前面。須要小心。(許闖白)姑姑放心。(唱)

〔醋葫蘆〕 恁須要輕輕兒躡足行。(黃仙姑唱)你須要潛着影。忽明忽暗

幾點明星。(許闖唱)只聽得颼颼的。細風兒撲面迎。(同唱)去做個如姬

竊令。早不覺垂垂的蟠桃面前馨。(陶宏景等神茶鬱壘護衛神上同白)呸。爾

等何人。更深人靜。來此山前。(許闖白)我等只爲聖主萬壽。因無物供獻御

筵。所以黃仙姑來求取數枚。不意冲犯諸位大仙。爲此小仙特地前來。摘取幾

個。若有半字支吾。休道俺的青鋒不利。(陶宏景等白)呢。好大膽的狂婢。爾

等若好好回去便罷。不然休要惹我等動手。(唱)

〔又一體〕 你怎的不通世情。竊仙桃何罪名。你應該焚修古洞誦黃庭。(許

闖黃仙姑白)這厮好生無理。我等搶取蟠桃者。(衆戰仙童上接戰許闖等

敗下陶宏景等追下黃仙姑上唱)

〔後庭花〕 我這誠心何日明。這屈氣何日平。則爲那祝慶致誠物。惹得他刀鎗劍戟迎。這神祇忒無情。俺可也緊持矛柄。（內白）快拿偷桃賊。（黃仙姑白）呀。（唱）拿字兒口不寧。那草木遍成兵。須任俺強拒攖。（護衛神衆追上對下許闖上唱）

〔青歌兒〕 誰料着這一場。一場逞性。到翻爲畫餅成空。戰得我濕透雲衫香汗盈。（只）看這神將威靈個個英雄。（神荼鬱壘等仙童黃仙姑上戰下）

第四齣 蘭殿呈祥

（儀從仙童引金母上唱）

〔新水令〕 効嵩呼虎拜慶無疆。展微忱楓宸供向。天人同頌禱。仙佛共稱揚。喜有慶方長。聖人壽萬斯年尙無量。（白）德化流行遍九埃。皇風遠被到丹臺。恭逢聖主垂裳製。飛下羣仙捧壽杯。吾西池金母是也。望重丹邱。名高青簡。聚精氣於三華。服金液之九轉。玉宇瑤房。金台紫館。霏絳雪以千年。養黃芽而百煉。今當聖主萬壽。恰值度索山蟠桃已熟。爲此率領羣仙。前去摘取。叩賀瑤

京以供御筵，少展敬仰之心，衆侍從就此到度索山去者。（衆應科金母唱）

〔駐馬聽〕 五色旛幢高曳天，風輕蕩颺一行儀仗。穩乘雲路漫徜徉，把卿雲

碾破赴仙鄉。露井的微忱供獻壽筵上。（神荼鬱壘陶宏景等追許闍黃仙姑等

上戰科下衆引金母上陶宏景黃仙姑等上戰科金母白）何物頑仙，來此爭鬪，

（黃仙姑白）金母嗔，小仙只爲聖主萬壽聖誕，我等雖居方外，亦在覆幬之

中，意欲竊取仙桃數枚，前往神京貢獻，以盡我二人獻芹之意。（金母白）原

來如此，可見敬仰之誠，人有同心，姑念你供獻皇家，不來罪汝，去罷。（許闍黃

仙姑白）多謝金母，還求繫帶我等，到神京瞻天仰聖，恭祝天顏。（金母白）

也罷，姑念你心懷聖德，既如此隨我前去。（許闍黃仙姑白）多謝金母。（金

母白）衆仙採取仙桃者。（衆應下金母唱）

〔雁兒落〕 他就日葵心拜帝鄉，端只爲天家厚德仁風廣。効萑蒲竊仙桃供

御筵，表芹心持現金堦上。（衆上白）啟金母蟠桃有了。（金母白）速往神

京去者。（衆應同唱）

〔得勝令〕

呀。驂鸞鶴連躡離山阿。向彤庭虎拜共觀光。三界同暢。好九頓欣

歌天保章。吉祥綿延齊頌。如天樣綿長。萬萬年國安康。（衆白）已到神京。

（金母白）

衆仙就此舞現者。（衆白）領法旨。（衆作舞科同唱）

〔折桂令〕

共相將鸞序鶯行。手捧蟠桃慶祝無疆。逐隊仙粧。瓊裾鶴氅。咸舞

廟廊。恕禮節無周草莽。頌南山小雅詩章。只爲著恩澤遐方。願當今壽永天齊。

萬載垂裳。

（金母白）叩賀已畢。年年此日。永慶昇平。（衆白）領法旨。（同唱）

〔餘慶〕

共仰取風行。海外皇仁廣。共仰取日麗天中。帝道昌。開壽域永慶

當陽。億萬載把昇平福長享。（同下）

本館新購民初籌備國會事務局等機關檔案之分類 張德澤

本館於二十六年三月間，購得民初籌備國會事務局籌備約法會議事務處籌備立法院事務局及辦理國民會議事務局等機關檔案百餘卷，查其內容，多屬不公布之密件，茲將此四機關之檔分別叙述如左：

一籌備國會事務局檔案

籌備國會事務局有四時期，民國元年八月十一日政府公報命令門載：

臨時大總統令 參議院議決籌備國會事務局官制，本大總統按照約法第三十條公布之，此令。官制見法律門 中華民國元年八月初十日。

據此初期籌備國會事務局爲民國元年八月設，其組織及職掌盡載所定官制中，其官制條文如左：

籌備國會事務局官制

第一條 籌備國會事務局隸於內務總長，其職務如左：

一關於國會開會之籌備事項

二關於議員選舉程序事項

第二條 籌備國會事務局設委員長一人，綜理局務，監督所屬職員。

第三條 籌備國會事務局設委員若干人，由左列各員內選派兼充之。

一內務部參事

二法制局參事

三蒙藏事務局參事

第四條 籌備國會事務局設事務員十人，掌文書會計及庶務，由委員長委任。

第五條 籌備國會事務局爲繕寫文件及其他庶務，得酌用雇

員。

第六條 籌備國會事務局俟國會成立時，即行裁撤。

第七條 本制自公布日施行。

民國三年十月，籌備立法院事務局成立，籌備國會事務局遂廢止。

見民國三年十月三十一日政府公報。

民國五年五月三十一日政府公報公文門載：

爲遵令歸併籌備立法院暨辦理國民會議事務局更定名稱並酌擬簡章以資遵守呈請鑒核事，案查籌備立法院暨辦理國民會議事務局前經呈准派員兼充該局局長並飭前往接收在案，查該兩局成立異時，官制先後布行均係照特設機關規定，設有評議，科長，科員，及添設之秘書，事務員，書記員等員額甚多，每月俸薪一項，按照經常預算案所列一萬一千八百餘元之數，僅足敷用，今既改隸部屬，自應酌量歸併，參照民國元年前籌備國

會事務局舊制，改名內務部辦理選舉事務局，以資撙節，而符名實，所有原設秘書一職，應卽裁撤，其評議以次擬視原有額缺分別改減，該局既爲本部附屬機關，除章程規定額設人員外，並可體察需要情形，遴派本部所屬人員，分別常時兼任臨時兼任兩種，酌給津貼，藉資佐理，總期經費益可節省，於預算原額切實核減，而事務亦不誤進行，謹擬具本部辦理選舉事務局簡章另繕清單呈請鑒核，俟奉批准後，卽按照章程先行遴員改組，再分別呈請派充，至預算原案並應另行編製，以期核實，而課事功，是否有當，理合具文呈請，謹乞大總統鈞鑒訓示施行，謹呈。中華民國五年五月二十八日。

內務部辦理選舉事務局簡章

第一條 辦理選舉事務局隸屬於內務部，承內務總長之指揮，

監督辦理左列事項：

一 關於國會選舉法令解釋事項

二 關於國會選舉程序事項

三 關於國會開會設備事項

第二條 辦理選舉事務局設局長一人，以民治司司長兼充，綜理局務，監督所屬職員。

第三條 辦理選舉事務局設評議四人至六人，掌關於解釋選舉法令事務，由內務總長遴員呈請大總統派充。

第四條 辦理選舉事務局設主任委員及委員事務員，掌關於選舉程序及文書會計庶務各項事務，主任委員定額三人，由局長詳由內務總長呈請大總統派充，委員事務員無定額，由局長視事務之繁簡，詳由內務總長派充，但亦得以內務部所屬職員兼任。

第五條 辦理選舉事務局因調查各省及各特別行政區域辦理選

舉情形之必要，得由內務總長遴員呈請大總統派充臨時視察員。

第六條 辦理選舉事務局爲繕寫文件得由局長酌用雇員。

第七條 辦理選舉事務局俟國會成立時，卽行裁撤。

第八條 本章程自呈奉批准後施行。

批令：准如所擬辦理，清單存，此批。

又同年六月三十日政府公報命令門載：

大總統申令 國會業經召集，內部務所屬之辦理選舉事務局應卽改爲籌備國會事務局，迅速籌備國會事務，此令。中華民國五年六月二十九日。

是第二時期之籌備國會事務局爲民國五年五月設，初改名內務部辦理選舉事務局，六月始復舊稱。同年八月，以國會業經開會，籌備事竣，內務部遂呈請撤局，其文云：

爲籌備國會事務局籌備事竣定期撤局呈請鑒核事，六月二十九日奉申令：國會業經召集，內務部所屬之辦理選舉事務局應即改爲籌備國會事務局，迅速籌備國會事務，此令。等因奉此，當將遵辦情形呈報在案，現在國會業於八月一日開會，該局籌備事宜當然終結，經該兼局長督飭局員整理案卷，結清款項，以本月底爲撤局之期，呈請轉呈前來，除將關於國會議員遞補事宜由本部民治司接續依法辦理外，所有籌備國會事竣定期撤局緣由理合呈明，敬乞鑒核，謹呈。中華民國五年八月三十一日。

見五年九月三日政府公報。

民國六年六月二十三日政府公報公文門載：

爲擬請設立內務部辦理選舉事務局仰祈鑒核事，竊於本月十二日奉令將參衆兩院議員解散尅期另行選舉等因奉此，查上年五月本部遵令歸併籌備立法院暨辦理國民會議事務局，改設辦理

選舉事務局，並擬定簡章，呈奉令准在案，嗣因召集國會事竣，呈准裁撤，現奉明令尅期改選參眾兩院議員，法令手續，極爲紛繁，擬請由本部另設專局，以資進行，所有一切事宜，仍遵照上年令准簡章辦理，是否有當，理合呈請鑒核示遵謹呈。

六年六月二十日已奉指令。

所奉指令見二十一日政府公報，令文是：

大總統指令第一千六十八號，令內務次長暫行代理部務張志潭，呈請設立內務部辦理選舉事務局仰祈鑒核由呈悉，應即迅速設立，餘如所擬辦理，此令。中華民國六年六月二十日。

是六年六月所設辦理選舉之機關名「內務部辦理選舉事務局」，亦可視爲第三時期之籌備國會事務局。同年七月，以張勳復辟，政局變動，此局當亦無形廢止。

民國六年十月十七日政府公報命令門載：呈請鑒核事。六月二十八

大總統令 茲制定籌備國會事務局條例公布之，此令。中華民國六年十月十六日。

是第四時期之籌備國會事務局爲民國六年十月設，其組織條例共八條，較民國元年者略詳，第一條多「關於選舉法令之解釋事項」一款及「省議會議員之選舉關於前項第一第二兩款事項由本局任之」一語，第二條多「前項委員長由大總統簡派」一語，此外並多「籌備國會事務局因調查各選舉區辦理選舉情形之必要得呈請大總統選派臨時視察員」一條，其餘無大差異。至十一年六月，政府爲節省經費，裁併各駢枝機關，籌備國會事務局亦因裁撤。見十一年六月二十一日政府公報。

籌備國會事務局檔案，分電報，函札，呈文，批文，條規，表冊等項，茲分述之。

1 電報 有各省來電，有去電，皆關係議員選舉事。

2 函札 多爲致國務院報告辦理選舉情形之函稿。

3 呈文 爲籌備國會事務局局長呈大總統或國務總理之文稿，除呈大總統者外，多屬某省有所請求，請交國務會議決定及議員遞補請轉行衆議院備案等事件。

4 批文 有內務部批，有籌備國會事務局批，多屬各省選民告發地方官弊政案件。

5 條規 有修正參議院議員選舉法施行細則草案，修正衆議院議員選舉法施行細則草案，參議院議員選舉日期令草案，籌備國會事務局分科辦事規則等項。

6 表冊 有新舊國會組織法比較一覽表，新舊參衆兩院議員選舉法比較一覽表，參衆兩院議員選舉監督一覽表，各省區辦理選舉事務所成立日期及所長銜名一覽表，參衆兩院議員當選人名冊及籌備國會事務局核銷冊等項。

此外尚有合同數件，爲民國元年國會工程處與西洋工程師所訂建築

衆議院及參議院添造房屋之合同，工程項目及銀數記載頗詳，亦爲研究民初建築工價之好資料也。

二 籌備約法會議事務處檔案

民國三年二月二十日政府公報公電門載有籌備約法會議事務處致各省民政長電，電云：

各省民政長鑒：查約法會議議員選舉程序施行細則

見三年一月三十日政府

公報命令門。第一條載：約法會議議員選舉事務，由籌備約法會議事

務處總理一切，該處即附設於內務總長所轄之籌備國會事務局，不另開支選舉經費等語。本處業於是日遵照設立，嗣後所有關於約法會議議員選舉事務一應文電，希即逕與本處接洽以期捷速，此達，籌備約法會議事務處。卅一。

據此籌備約法會議事務處爲民國三年一月設，附屬於籌備國會事務局，其職掌無專條規定，茲將其他條文中之有關籌備約法會議事務處者

摘錄於下：

約法會議議員選舉程序施行細則

見三年一月三十日
政府公報命令門。

第三條 各選舉會選舉監督，除內務總長之選舉監督事項飭由

籌備約法會議事務處辦理外，……。

第十條 選舉監督須將選舉經過情形造成選舉錄，報告於籌備

約法會議事務處。

(此細則之第一條已見於前舉之電文中茲不再錄)

約法會議議員選舉會選舉日期令

見三年二月五日政
府公報命令門

第一條 各選舉會之選舉，除由內務總長監督者外，其選舉日

期，以選舉人及被選舉人之調查完畢報由籌備約法會議事務

處呈經內務總長覆核文到後舉行。

約法會議議員資格審定會組織令

見三年二月十四日
政府公報命令門。

第三條 約法會議議員選舉會投票完畢後，由選舉監督分造當

選人名冊，報告籌備約法會議事務處，轉送於約法會議議員資格審定會。

第五條 約法會議議員資格審定會審查完畢後，須將合格及不合格之當選人姓名報告於籌備約法會議事務處。

第六條 前條之審查報告，……其不合格者，由籌備約法會議事務處依照審查報告，行知該選舉監督另選。

第八條 約法會議議員資格審定會之準備開會及其他庶務，由籌備約法會議事務處派員兼辦，但須受會長之指揮。

籌備約法會議事務處既附設於籌備國會事務局，當亦於民國三年十月廢止。

按約法會議共開會三十六次，三年三月十八日開會，四年三月十八日閉會，爲期一年，其議決案有增修約法，參政院組織法，審計院編制法，立法院組織法，立法院議員選舉法，修正大總統選舉法，國民

會議組織法等七項。

以上俱見約法會議秘書廳編印之約法會議紀錄。

辦理約法會議，因另有約法會議秘書廳之組織，見三年二月二十六日政府公報命令門故籌備約法會議事務處之檔案爲數甚少，只有電報，呈文，選舉票，

三項：

1 電報 有各省來電，有去電稿，多爲不公布之密件，茲錄舉其一，以見當時選舉情形之一斑：

萬急江西民政長鑒：院密箇電悉，蔡君儒楷業經特任署理教育總長，未便兼充約法會議議員，現已密陳主座，令速電達貴監督另就李君盛鐸謝君遠涵二人中酌選一人，希尅日照辦，仍將當選姓名另行補報本處爲盼，此達，籌備約法會議事務處。

梗。

2 呈文 爲籌備約法會議事務處委員呈大總統之文稿，其中有一請示選某人之密件，其文云：

前奉面諭，飭選景曜月爲約法議員，遵由處密電山東巡按使去後，旋據該選舉監督電稱，認定王壽彭等二員爲被選人，請核示等因，究竟是否仍令選景抑令選王或令景王酌選之處，謹此密陳請示，以便籌備約法會議事務處有所遵循，顧鼇謹呈。七月十五日。

文後批有「景有大功能選更好」一語，視其字體，爲袁項城之親筆。

3 選舉票 係準照國會議員選舉法令之定式，但非無記名單記法，而有選舉人之列名。

籌備約法會議事務處檔案，數量雖少，而密件較多，當時強姦民意之情形，於此項文件中，頗可見其底蘊也。

三籌備立法院事務局及辦理國民會議事務局之檔案

民國三年十月三十一日政府公報命令門載：

大總統申令 茲制定籌備立法院事務局官制公布之，此令。中
華民國三年十月三十日。

是籌備立法院事務局爲民國三年十月設，其官制共有八條，茲列舉如
下：

籌備立法院事務局官制

見三年十月三十一日
政府公報命令門。

第一條 籌備立法院事務局隸於內務總長，其職務如左：

一關於選舉法令之解釋事項

二關於選舉程序之監督事項

三關於立法院開會之籌備事項

四其他依立法院議員選舉法屬於籌備立法院事務局職務事項

第二條 籌備立法院事務局設局長一人，綜理局務，監督所屬

職員。

第三條 籌備立法院事務局設評議八人，掌關於解釋選舉法令

事務。

前項評議，由局長遴員，經由內務總長呈請大總統任命，但得就左列各員內遴員兼任之：

一 政事堂法制局參事

二 內務部參事

三 蒙藏院參事

四 內務部民治司司長

第四條 籌備立法院事務局設科長三人，科員九人，分掌關於選舉程序及文書會計庶務，科長由局長呈請大總統任命，科員由局長委任之。

第五條 籌備立法院事務局因調查各省及各特別行政區域辦理選舉情形之必要，得呈請大總統選派臨時視察員。

第六條 籌備立法院事務局爲繕寫文件及辦理庶務，得酌用雇

員。

第七條 籌備立法院事務局俟籌備立法院事務完畢後，即行裁

撤

第八條 本制自公布日施行。

辦理國民會議事務局爲民國四年三月設，其職掌已在國民會議組織法約法會議所議決中有條文規定，見四年三月十三日政府公報命令門。茲摘錄於左：

第五章 辦理國民會議事務局

第二十九條 辦理國民會議事務局掌關於國民會議議員選舉之籌備及關於開會期內之議事並文書會計庶務，其編制以官制定之。

第三十條 辦理國民會議事務局在籌備選舉事務期內，得附設於籌備立法院事務局。

第二十九條中有「其編制以官制定之」一語，查此官制爲三月十五日

公布，

見四年三月十六日
政府公報命令門。原令如次：

大總統申令 茲制定辦理國民會議事務局官制公布之，此令。
中華民國四年三月十五日。

辦理國民會議事務局官制

第一條 辦理國民會議事務局依國民會議組織法第二十九條之規定，其職掌如左：

一關於國民會議議員之選舉籌備事項

二關於國民會議議員選舉法令之解釋事項

三關於國民會議開會之設備事項

四關於國民會議開會期內之議事並文書會計庶務事項

第二條 辦理國民會議事務局設局長總理局務，監督所屬職員。
以籌備立法院事務局局長兼任之。

第三條 辦理國民會議事務局應設秘書，科長，科員，其職務

由籌備立法院事務局局長督令評議兼行之。

第四條 本官制自公布日施行。

迨民國五年五月復設籌備國會議事局，籌備立法院及辦理國民會議二

局皆廢止。

見前述籌備國會議事局所舉之五年五月二十八日內務部呈大總統文。

辦理國民會議事務局既附設於籌備立法院事務局，其檔案因亦均有連屬關係，且文電中多有二局會銜者，茲將二局檔案合述如左：

1 目錄 皆為電報目錄，有來電簿，密碼來電號簿二種。

2 電報 以來電為大宗，原按省區分卷，計分直隸，山東，河南，山西，陝西，甘肅，江蘇，安徽，浙江，江西，湖北，湖南，四川，川邊，福建，廣東，廣西，雲南，貴州，奉天，吉林，黑龍江，熱河，察哈爾，綏遠，新疆等二十六省區，其關於辦理選舉經費及被選人旅費等電，另行按省分卷。以上各電，均按件粘有稿面，其有覆電者均附於後。此外尚有電稿，密電稿，外行通電

，外行密件等項，茲錄舉其密件之一，以見當時所謂「選舉國民代表」之情形：

急雲南李民政長鑒：院密朱議員缺既應查照處電另選，所有被選舉人，昨已密陳主座，以胡商彝，袁嘉穀二君爲最合宜，胡係雲南人，年滿三十歲以上，曾任高等官吏五年以上，確有成績，希卽認定主座意，以胡君學問經歷俱優，能設法使其當選，必於本會議大有裨益，如選胡確有礙難情形，卽選袁亦未嘗不可，統希相機而行，此次選舉，全國業已辦竣，貴省另選一節，務望查照本電於日內舉行，執事關懷大局，特此密商，諸惟亮察。

3 函札 有來函，有去函稿，多爲局長與各省巡按使商辦選舉之件。

4 咨文 外行者皆係咨各選舉監督詳細指示應辦事項之文稿，來咨

則多爲覆文。

5 呈文 爲局長呈大總統之文稿，多屬擬定關於選舉之各項辦法呈核之件。

6 條規 有立法院議員選舉法第三章辦理選舉人員施行細則，國民會議暨立法院會議覆選調查施行令，及國民會議覆選被選人名冊審查標準等項。

7 表冊 有辦理立法院議員選舉事務一覽表，國民代表大會選舉事務一覽表，各省區選舉代表投票暨決定國體投票日期表，國民會議議員各覆選區覆選選舉日期一覽表，及籌備立法院事務局職員履歷冊等項。

8 清單 有各省區預擬被選人名單，各處代表名號住址單及中央國民代表大會決定國體投票各項順序單等項。

9 選舉票及決定國體票 選舉票爲選舉國民代表者，係採用選舉約

法議員選舉人列名之法式，決定國體票則皆印就「君主立憲」四字於票內，下印二圈，此二種票皆為各省區所印製，封面均蓋有印信，每省區每種票原送均五張，為包皮所書現只江蘇一省全但皆為未填名空白之件，其是否由局填名，尙待異日考究也。

此外尙有局長條飭等件，有散頁者，有粘簿者，多為委派職員，分配職務，或指示某事如何辦理等事件，蓋皆係局長顧鼈之親筆。

此四機關之檔案已如上述，今再略述其人事之變遷：初期籌備國會事務局委員長為施愚，是時顧鼈任委員，籌備國會事務局附設之籌備約法會議事務局處稿件即為顧鼈所

批閱三年十月籌備立法院事務局成立，顧鼈遂任局長，是後並兼任辦理國民會議事務局局長。迨民國五年五月籌備國會事務局復設，于寶

軒任局長，六年六月改設辦理選舉事務局，楊熊祥任局長，六年十月

復設籌備國會事務局，恢復委員制，籍忠寅孫培相繼任委員長，少尙有遺

漏一俟查見至以下職員則連續在此四機關任職者甚多，自民國元年蓋雖非

同一機關，其所辦事務或盡同，或有連帶關係，故其檔案亦得同處保存。今將其機關設立時代，廢止時代，及現存檔案數量，列表如左：

機關	設立時代	廢止時代	現存檔案數量
籌備國會議事局	元年八月	三年十月	十五卷
	五年五月	五年八月	
	六年六月	六年七月	
	六年十月	十一年六月	
籌備約法會議事務處	三年一月	三年十月	一卷
籌備立法院事務局	三年十月	五年五月	九十三卷
辦理國民會議事務局	四年三月	五年五月	

此四機關檔案除一部分電報較整齊外，餘均雜亂異常，一卷中不但非同類之文件，且非同機關同時代之文件，故前述之分類，僅為大概，現正著手整理，不久當有詳細分類目錄供人參閱。

國立北平故宮博物院文獻館二十六年三月分工作報告

整理事項

一 內閣大庫檔案

1 黃冊 繼續將各處黃冊卡片分別省區，排比朝代年月，現排比至刑部目錄已將兵部馬政稽查等類繕完，計一千七百十二號。

2 試錄題名錄 本月初編目竣事，計合本館、北京大學、中央研究院及北平圖書館所藏除複本外，都二千六百七冊，現正蒐求遺漏，預備增補。

3 檔簿 繼續上月工作，編號登記，繕寫卡片，本月計編繕至一千二百九十六號。

4 重鈔本滿文老檔 繼續覆覈摘由工作，自天命六年閏二月至十二月共三百八十八則，又核對重鈔之加圈點草本與正本，現已對

至五十册。

二 軍機處檔案

1 檔簿 繼續繕寫滿文檔簿卡片，截至月底，計繕四百三十七片，已全部繕竣。

三 內務府檔案

1 檔簿 繼續編號登記，繕寫卡片，本月份計繕寫四百三十三片。

2 陳設冊 此項陳設冊原已清釐排架，嗣因清釐雜亂檔案，工作暫停，本月繼續編號登記，繕寫卡片，計續繕六百片。

3 昇平署檔案 繼續分類登記，繕寫卡片，本月份計繕寫奏片卡片二百零八片，單件卡片四十五片。

4 雜亂檔案 繼續分類清釐，本月份計清釐檔簿一千四百餘本，稿件文件等三百餘捆。

四 宮中檔案

繼續上月工作，依照整理檔案規程逐件登記，粘貼號票，

截至月底計登記一百三十五片，又於雜亂檔案內檢出檔冊五箱，已加清釐準備登記。

五 民初國會等檔案

本館新購人民初籌備國會事務局、籌備約法會議事務局、辦理國民會議事務局及籌備立法院事務局等局處檔案九十餘卷，其中以辦理國民會議及籌備立法院二局者佔十之七八。本月開始貼號登記，截至月底計已登記各省來電六百五十五件。

編印事項

1 檔案詞解 繼續上月工作，蒐集檔案名稱及其中專詞，加以解釋，繕成卡片，茲將已著錄各詞列下。

A 內閣大庫檔案

兩浙各縣場水鄉竈課並已未完各官考成分數黃冊、福建官商各幫經營銷盈餘引目及行銷額外餘引並各官職名月

日黃冊 福建正雜鹽課交盤黃冊 福建各州縣官督銷盈

餘引目分數職名黃冊 福建正額引目清冊 福建盈餘引

目清冊 兩淮運司正雜錢糧文冊 歲額鹽課錢糧經徵已

未完解存款項文冊 銷過額外餘引文冊 鹽課款項文冊

徵解一切錢糧事蹟文冊 奏繳事蹟文冊 鹽課款項經

徵職名完解月日文冊 吉蘭泰鹽課錢糧黃冊 耗羨銀兩

冊 到通捐輸採買米石銷算清冊

以上戶部黃冊

漕標十營官兵馬匹收支過俸餉馬乾本折銀米數目清冊

河標四營兵馬錢糧文冊

以上兵部黃冊

刑部各司題駁咨駁事件清冊

以上刑部黃冊

營繕等四司奏銷銀錢數目清冊

以上工部黃冊

都察院發過車輛腳價清冊 稽察光祿寺半年錢糧黃冊

摘參未完清冊 吏科造完註銷清冊 戶科各司未完清冊

禮部造完宗人府註銷清冊 兵科造完註銷清冊 刑科

造完刑部註銷文冊 工科造完註銷清冊

以上都察院黃冊

蘆田 土黑勒威勒 金花銀 肩引 住引 答應 交盤

正兌 改兌 牧地 旗地 屯田

以上黃冊中所用之專詞

大事檔 知會兩堂檔 用印檔 國史館用印檔 收本房

用印檔 行移檔 萬壽慶典移付檔 北廳移付檔 北廳

日記 滿本堂事宜冊 寶模檔 冊式樣檔 部本檔 閱

鈔檔 官員堂諭檔 撰文官員檔 封號總檔

以上各房檔簿之屬

B 軍機處檔案

各省保舉武員檔 隨時登記檔 武職記名檔 文職記名

新檔 記名新檔 截取記名道府檔 勇號簿 電報檔

收電檔 發電檔 呈遞電信 未遞電信 各省籌款電

報檔 商約收電檔 雲南河口匪案電報檔

以上軍機處分類彙鈔關於國家庶政之檔案

C 內務府檔案

鈐名冊 另冊 彙總瞻仰冊 祭品檔 陵寢各項事務檔

月例檔 上諭 咨進班處所披甲數目略節 值宿單

呈報單 報堂 排單 京察奏底 牌底 京察引見摺

京察擬旨 京察報軍機有年月大單 咨呈 香燈冊 圖

片 時刻檔 牌取檔 查事檔 司諭 比丁司諭 鋪墊
木器等項清檔 陳設冊 抄產檔 官員單 合卷房間圖
堂諭 黃摺 差估

以上內務府日行公事及各處來文

京察逾歲 京察頭班 京察二班 京察三班 銀兩莊頭
投充莊頭 密戶 葦戶 狐皮戶 斤石 東斗 鶴戶
細鱗魚戶 鷹戶

以上內務府檔案中所用之專詞

預算冊 決算冊 領門照官員花名冊 內衆執照花名冊
行領領催人等腰牌花名冊 補行匠役人等腰牌花名冊
當差人等照相花名冊 佩帶腰牌旗包花名冊 外要記載
盜頭作 交活檔 重華宮安用雜箱賬 雜箱預備崑亂戲物
工程處 內學崑弋戲目檔 崑弋腔雜戲目錄冊 新定太監
品冊

逃走治罪條款

以上昇平署檔案

D 宮中檔案

回遊牧牌子 引扈 早事 接事 入事 台吉 看跋

閒散宗室 不入八分公 卓欽 司房 馬上飛遞 首領

刑都大 禮宗欽 理鑾光

以上宮中檔案所用之專詞

2 文獻叢編 二十六年第二輯出版

3 總管內務府現行則例 第三冊（都虞司）出版

4 清代漢文黃冊聯合目錄 繼續發稿校印現已印至五百九十二

頁計八千二百十號

5 文獻叢編 第二輯第十四輯再版

6 歷代功臣像再版

閱覽及借鈔

輔仁大學張鴻翔先生借閱順治至嘉慶五朝實錄五十四函

營造學社蔡申之先生借閱天聰崇德順治康熙乾隆嘉慶五朝實

錄一百七十四函

輔仁大學籍承緒先生借閱順治康熙二朝實錄四十九函

美國教授富路特先生借閱康熙乾隆二朝實錄六函

徐森玉先生借鈔明武職選簿二冊

趙泉澄先生借鈔戶部黃冊十一冊

吳向之先生借鈔江南鄉試錄五冊